



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

COLLECTION LYONNAISE

N° 8

CATALOGUE
DES ANTIQUES ÉRECTIONS
DES VILLES

Cités, Fleuves & Fontaines

ASSISES ÈS TROIS GAULES

PAR

GILLES CORROZET, Parisien

ET

CLAUDE CHAMPIER, Lyonnais

PREMIÈRE PARTIE

43



LYON

HENRY GEORG, LIBRAIRE-ÉDITEUR

65, rue de la République, 65

1882

71

CATALOGUE
DES ANTIQUES ÉRECTIONS
DES
VILLES DES GAULES

La *Collection Lyonnaise* est tirée à 100 exemplaires,
dont 82 pour le commerce,

SAVOIR :

Papier Hollande	60
Papier teinté.....	20
Papier Chine.....	2

COLLECTION LYONNAISE

N^o 8

CATALOGUE
DES ANTIQUES ÉRECTIONS
DES VILLES
Cités, Fleuves & Fontaines

ASSISES ÈS TROIS GAULES

PAR

GILLES CORROZET, Parisien

ET

CLAUDE CHAMPIER, Lyonnais

PREMIÈRE PARTIE



LYON

HENRY GEORG, LIBRAIRE-ÉDITEUR

65, rue de la République, 65

1882

IMPRIMERIE MOUGIN-RUSAND

3, rue Stella, 3



AVANT-PROPOS

DEUX raisons principales ont motivé la réimpression de ces opuscules de Gilles Corrozet & de Claude Champier & leur admission dans la présente collection : la première, les pages véritablement intéressantes pour la région lyonnaise que l'on rencontre dans les petits traités *de la Fondation des Villes, des Fleuves & Fontaines admirables, & des Saintz Lieux des Gaules*; la deuxième, leur rareté

dans le commerce & le prix élevé qu'ils atteignent dans les ventes publiques. Il est très peu de grandes bibliothèques qui les possèdent, & l'érudit qui désire les consulter doit avoir recours bien souvent à un amateur privilégié.

Gilles Corrozet, l'auteur de la première partie du recueil, *le Catalogue des Villes & Cités assises es pays Gaules*, naquit à Paris le 4 janvier 1510 & mourut le 4 juillet 1568. Il était imprimeur-libraire. On lui doit un très grand nombre d'ouvrages dont Nicéron a donné la liste (1). Son *Catalogue des Villes* est, à proprement parler, une compilation de légendes sur l'ori-

(1) *Mémoires pour servir à l'histoire des hommes illustres*, t. XXIV.

gine des vieilles cités de la Gaule, compilation que Claude Champier, à peine âgé de 18 ans, comme il le dit lui-même dans la préface *des Singularités des Gaules*, voulut compléter, en publiant les notices sur Vienne, Ambrun, Gap, Die, Orange, Avignon, &c.

Claude Champier naquit à Lyon vers 1520. Il était fils de Symphorien Champier, qui fut se faire un nom dans la médecine & dans les lettres, qu'il cultivait non sans succès. Son aïeul était à la fois notaire & apothicaire à Saint-Symphorien-le-Châtel. Les *Singularitez* furent publiées pour la première fois à Paris, en 1538. Son traité des *Lieux Saints* parut à Lyon en 1556. On n'est pas exactement fixé sur la date de sa mort.

Nous donnons cette nouvelle édition du *Catalogue* de Corrozet & des petits traités de Claude Champier d'après l'édition gothique publiée in-16, à Lyon, par le libraire François Juste. Nous avons reproduit scrupuleusement le texte, mais toutefois en complétant les abréviations usitées au xvi^e siècle & dont tout le monde alors connaissait la clef, en supprimant les capitales par trop inutiles, & en modifiant quelque peu la ponctuation & cela pour rendre plus facile la lecture de ce livre curieux.

Lyon, 20 juin 1882.



LE CATALOGUE

Des antiques érections des Villes

Et Cités, Fleuves & Fontaines, assises es
troys Gaules, c'est assavoir Celticque,
Belgicque & Aquitaine, contenant deulx
livres. Le premier fait & composé par
Gilles Corrozet Parisien. Le second par
Claude Champier Lyonnois, avec ung
petit traicté des Fleuves & Fontaines
admirables, estans esdictes Gaules.

*Histoire très utile & délectable nouvellement
mise en lumière.*



ON LES VEND A LYON
Chez FRANÇOIS JUSTE

M. D. XXXIX.



A très-noble

& très illustre Prince Monsieur le Daulphin
François de Valois, filz du très-chrestien
Roy de France, Claude Champier, vostre
très-humble subiect, salut & renommée
immortelle.

BLATON, en son livre qu'il
a fait du monde, Prince très-
illustre, semble vouloir enten-
dre qu'aucun vivant ne doibue
ignorer l'origine & noblesse du
pais dont il a prins sa naissance & nourriture,
ne aussi les fortunes & adventures d'icelluy.
Mais en ce ay congneu plusieurs historiens

François, voire presque tous ceulx qui en langue Gallique ont descript, avoir beaucoup de choses omis, & moins satisfaiët que la dignité de l'histoire des gestes Galliques ne méritoit. Dont au moyen desdictz escripts ainsi imparfaitz & l'histoire mal congneue s'est ensuiuy que les cités de Gaules aient perdu par le passé beaucoup de leur estime & réputation entre gens estrangers & loingtains; laquelle chose doibt certes à nous François par trop desplaire, attendu mesmement que presque tous les Princes occidentaulx n'ignorent pas avoir prins & espuisé leur première gloire & resplendeur des Princes de France: les Roys d'Angleterre par les filles qu'ilz ont prins en mariage de la maison de France, les Archeducs d'Autriche par Marie, fille du duc Charles de Bourgongne, d'où sont procédés & issus Philippes, roy de Castille, & Charles, à présent Empereur des Germains & Roy des Espaignes, les Ducs de Lorraine par Loys d'Anjou & conte de Provence, filz de Charles le quint roy de France. Que si naguère Gilles Corrozet a voulu

retirer en lumière par briefue & compendieuse narration l'histoire de l'érection des cités antiques des Gaules, laquelle quasi estoit tumbée en décadence, il a monsté en ce le bon vouloir qu'il ha a son païs ; mais pour ce que ladicte histoire estant de si pénible labeur, voire tant difficile & obscure qu'ung seul homme n'y peut bonnement souffire, a délaissé en son livre plusieurs desdictes Cités, en ce temps de la monarchie du Roy très-chrestien vostre père, que toutes sciences sont plus esclarcies, ay stimulé & enhardy mon entendement d'augmenter à mon pouvoir ladicte histoire des érections des Gaules, & à vous la consacrer & très-humblement dédier, comme à Prince seul héritier futur desdictes Gaules & en qui riens ne se peult recongnoistre fors une naifve nature aornée de toutes vertus, bontés, noblesses, magnificence & félicité heureuse, tellement que vous estes celluy seul, soubz le règne duquel tout le peuple non seulement de Gaules, ains de toute Chrestienté athent espère une bien heurée tranquillité de vie. Il vous plaira, Prince très-heureux,

DÉDICACE

*recevoir les premices de mon engin rude & débile.
Le don est petit, mais procède d'un très-humble
vouloir, & petit donne (comme l'on dit), qui
petit ha.*



Au Lecteur

S*y au jugement de ton noble esprit (o gracieulx lecteur), semble rude & mal consonant n'avoir par moy gardé en ceste description l'ordre des Citez selon les pays & lieulx où elles sont situées & assises & ainsy qu'elles sont prochaines les unes des aultres, tu me tiendras pour excusé, considérant que ce n'est cy une cosmographie, & que plustost ay voulu observer l'intégrité des histoires, ensemble l'ordre & succession des temps de leurs fondations en chascune division des trois Gaules jadis par les anciens descrite, que toute autre chose. Et aussi tu ne seras esmerveillé sy quelque fois tu trouve discrepance és dactes d'iceulx temps veu & considéré que cecy est ung recueil & boucquet dont les fleurs ont esté de divers jardins cueillies. Et pour ce que par la pluralité des volumes dont je me suis aydé en la composition de ceste histoire, desquelz les ungs*

nombroyent les ans dès le commencement du monde, les aultres comptoient depuis la fondation de Troye, les aultres de Romme, & les autres devant & après la Nativité de Nostre Seigneur Jésuchrist, il eust esté impossible de bien accorder icelles dattes, je les ay mises selon l'opinion des Auteurs où je les ay trouvées. D'avantaige il te plaira ne user envers moy d'aucun blasme ou murmure pourtant qu'en ceste nostre description n'est pas la quatrième partie des Cités assises es trois Gaules, pour ce que par la grant antiquité d'icelles ou par la paresse & nonchalance des anciens n'en est riens trouvé par escript qu'en bien petit nombre; toutes fois, à mon pouvoir, celles de la fondation desquelles j'ay esté faict certain par aucun Auteur, je les y ay insérées & mises. Reçoy doncques ce mien petit labeur, de cueur benivoile, pour agréable, lequel je te présente & offre pour arres de cy après avoir mieulx pendant que le reste viendra à lumière.

Plus que moins.

Afin que le lecteur ne s'esbahisse de la variété des dates en ce livre escriptes, & pour le relever de peine nous avons mis les computations des ans de sept aages selon les opinions de divers historiens.

*La computation de la Bible
& des Hébreulx sont sept, c'est
assavoir :*

1 2 3 4 5 6 7

La création du monde jusques au déluge . .	1656
Le déluge jusques à Abraham	292
La nativité d'Abraham jusques à l'issue d'Egypte	505
L'issue d'Egypte jusques au temple Salomon .	480
L'édification du temple jusques à la captivité.	440
La captivité de Babilone jusques à Nostre- Seigneur	579
La Nativité de Nostre-Seigneur jusques à maintenant	1539

*La computation de Eusèbe & aultres
cronicqueurs sont fix, c'est
assavoir :*

1 2 3 4 5 6

La création du monde jusques au déluge . . .	2242
Le déluge jusques à Abraham	942
La nativité d'Abraham jusques à David . . .	941
Le règne de David jusques à la transmigration	485
La transmigration de Babilone jusques à Jesu- christ	589
La nativité de Jesuchrist jusques au temps présent.	1539



MICHEL D'AMBOISE

diët l'esclave fortuné,

AU LECTEUR

*S'on doit louer les fondateurs antiques
Des grands citez & des villes Galiques
Et pour leurs faictz s'ilz sont dignes d'avoir
Fame, renom, louenges magnifiques,
Je soustiendray honneurs scientifiques
Au regard d'eulx estre deubz au sçavoir
De Corrozet, qui s'est mis en devoir
De bastir mieulx ; car tout qu'ilz ont faict,
Comme fragile, un jour sera deffaict
Par mort ou temps, & cestuy ne mourra
Pour quelque temps ou malheur qui courra,
Car c'est ouvrage éternel & parfaict.*

Dieu & non plus.

RESPONSE

*Ce qu'il a fait n'est point pour avoir gloire,
Loz, ny honneur, ne grande renommée,
Car aussi bien sera il transitoire,
Comme vapeur ou obscure fumée,
Par temps sera toute œuvre consommée ;
Mais c'est affin que les habitants
Soient tous certains de leurs bons fondateurs,
Et que chascun ait ses propres louanges,
En ensuivant les Galicques auteurs,
De s'anoblir comme sont les estranges.*

Plus que moins.

G. MOISSON

dict le Triste,

AU LECTEUR

Huitain.

Travail d'esprit & labeur diligent
 Ont amassé ceste grande richesse
 Dont maint cerveau estoit fort indigent,
 Et se plaignoit de sy longue foblesse ;
 Mais peu à peu nous à monstré l'adresse
 L'auteur présent, qu'il met devant voz yeulx,
 O bons Lecteurs. Doncq pour telle largesse,
 Louez son œuvre, espérant d'avoir miculx.

Triste & joyeux





APRÈS que l'aage Saturnien, aage de paix, d'amour & de concorde, par les héroïques vers des illustres poëtes tant haultement célébré & par eux l'Aage d'Or appelé, fut passez, & que l'Aage de fer, aage d'inimitié, de haine, d'avarice, de destruction de bonnes meurs vint à luy succéder, lorsque les peuples changèrent leurs bonnes coustumes en mauvaïses & tyrannie, seigneurie & ambition, commencèrent à régner. Les anciens par humaine sapience congnoissans la rudesse & rusticité des humains, & comment toutes

choses par faulte d'amour, congnoissance, benivolence & permanente société deviennent caducques, transitoires & déchéent à néant, conceurent en leurs courages d'eulx assembler par turbes & compagnies entre lesquelles fust entretenue vraye foy & fidélité, & eslevèrent lieux & places convenables & commodés à habiter, environnans certaine quantité & espace de terre par murailles, fossez & portes, au dedans desquelles édifièrent maisons, habitacles & lieux propices pour demourer. Laquelle habitation ilz appellèrent cité, quasi de citoyens unité, pour ce que en ces lieux amour commença à renaistre, justice à florir & loy a estre obéye. Les unes desquelles se gouvernèrent par Roys, lequel gouvernement ilz appellèrent Monarchie, comme firent ceulx de Babylone les premiers; les aultres furent conduictes par certain nombre des plus prudens & saiges hommes, comme Romme & Athènes, & cela ilz appellèrent Aristocracie; les aultres

furent régies & gouvernées par la tourbe & cohorte populaire, & ce tiers régime Démocracie estoit nommé. Aucunes citez commencèrent à estre basties par tyrannie, feigneurie & convoitise, comme celle que Cayn édifia (qui est la première cité), & la nomma Enoch, pour en icelle assembler tous ses larrecins & pillages. Nembroth aussi fait bastir l'incredible tour de Babylone, pour résister contre la divine puissance. Néanmoins la grande multitude des villes & citez ont esté basties & faictes sur fondemens de loyauté, fidélité & humaine societé pour vivre en paix & parfaite amitié civile, affin que chascun, selon son art & pratique, en icelle peust vivre seurement. Puis doncques que les cités sont remplies de tant louables utilitez qu'on ne le peut narrer & racompter, c'est chose raisonnable d'escrire les noms & qualités des fondateurs d'icelles & qui premier les instaurèrent. Et pour ce que plusieurs grans orateurs & historiographes ont

traicté d'icelles choses & principalement des estranges nations (non pas que je prétende acquérir le nom de croniqueur & historien) je traicteray des fondations, constructions & édifices de la plupart des villes & citez de Gaule & pays circonvoysins, comme je l'ay trouvé & recueilly ès livres de divers auteurs. Pour laquelle chose faire il est requis & nécessaire d'entendre la division des Gaules, qui sont séparées en trois parties, lesquelles par les anciens & modernes auteurs sont appelées : la première Gaule celtique, la seconde Gaule belgique, & la tierce Gaule aquitanique.

GAULE CELTICQUE, qui est à bien dire noble, preint sa dénomination de Juppiter Celte, neufviesme Roy de Gaule (selon Berosé de Caldée), laquelle commence au fleuve de Seine & s'estend jusques à la rivière de Loire, & court de la rivière de Marne, jusques au fleuve du Rosne; & du costé de

la terre des Belges & d'Aquitaine touche à la grant mer Océane & à la mer Britannique. Les cités principales sont : Paris, Sens, Authun, Lyon, Mafcon, Chafon, Auxerre, Troyes, Meaulx, Orléans, Bloys, Chartres, Rouen, Evreux, Coustances & tout le pays de Normandie, Angiers, Mans, Nantes & la plus grant part des villes & citez armoricques qu'on dit Bretagne, Nevers, Vienne, Grenoble, Avignon, Arles, Marseille, Aix en Prouvence, Nice & plusieurs aultres laissées à cause de briefveté.

GAULE BELGICQUE commence au fleuve du Rhin, partie vers Septentrion, partie vers Orient, & s'estend jusques ès rivières de Seine & Marne. A icelle partie bailla le nom (par le récit dudiët Beroſe) Belgius, quatorzième roy des Gaules, & contient ces plus renommées citez : Cambray, Valantiennes, Couloigne, Constance, Utreth, Trèves, Magonce, Strabourg, Aix-la-Chapelle, Basle, Liège,

Tournay, Arras, Amiens, Beauvais, Senlis, Laon, Noion, Soissons, Reims, Chaalons en Champaigne, Metz, Langres, Toul, Verdum, Genefve, Chambéry & aultres.

GAULE AQUITANIQUE est ainfi nommée à cause de l'abondance des eaux qui font en ycelle, & commence à la rivière de Loire & va jufques aux montaignes Pirrenées, qui féparent les François des Efpaignolz. Les principales citez d'icelle font : Narbonne, Touloufe, Cahors, Rodetz, Lymoges, Bordeaux, Périgort, Xainctes, Baionne, Clermont, Bourges, Tours, Carcaffonne, Foix, Leftore, Alebreth, Poitiers, Lufignen & aultres. D'une partie defquelles villes & citez fe descripray les fondations commençant à celles qui font fitués en la Celticque finiffant à celles d'Acquaine, fuppliant les begnins leéteurs (avec toute excufe) avoir mon petit & rude labeur pour agréable.

Plus que moins.

LES FONDATIONS DES VILLES ET CITEZ ASSISES
EN LA GAULE CELTICQUE

Aux générosiffimes & illustres François.

J'ai proposé, ainsi que Dieu l'ottroye
Par sa bonté, O noble sang de Troye,
François très preux, illustres & insignes,
Ayans d'honneur & noblesse les signes,
Dire & narrer maintes fondations,
Accroissemens & les constructions,
Des lieux urbains de chascune cité,
Comme par mainct autheur est récité.
Je descripray comme, au pays de France,
Plusieurs citez ont prins leurs accroissance,
Leurs bastimens & leurs mutations,
Pareillement des aultres nations,
Autant pour vray que les Gaules contiennent,
De qui plusieurs les seigneuries tiennent,
En commençant à la Gaule celticque,
De qui premier le bastiment diray,
Et mon histoire ainsi commenceray.

La fondation de Sens.

APRÈS les grandes inundations des eaux & le Déluge fut passé, tous les historiens s'accordent que le bon patriarche par les Hébreux nommé Noé & par les Latins Janus, fondateur de la cité de Gênes en Italie, divisa toutes les terres du monde en troys parties. La première desquelles appellée Asie, donna à son filz Sem ; la seconde nommée Africque bailla à son filz Cam furnommé Zoroastres, inventeur de l'art magicque, & la tierce partie nommée Europe distribua à son filz Japhet, lequel eut plusieurs enfans, entre lesquelz Samothès, furnommé Dis, estoit le quatriesme, qui par son ayeul, le bon père Noé, fut créé & estably premier Saturne & roy de Gaule, l'an de la création du monde trois mil cent & ung an, & avant la Nativité de Nostre

Seigneur deux mil cent vingt ans, selon Achilles Gaffarus, en son Epithome des cronicques, & selon Jehan le Maire, l'an du Déluge cent XL, & avant l'Incarnation de Nostre Seigneur deux mil III xx. VIII. Celluy Samothès, premier roy des Gauloys ou François, édiffia & fonda la cité de Sens en Bourgongne, en Gaule celtique, ainfi que récite Charles de Saint-Gelais, esleu d'Angoulême, au prologue qu'il a faict en la translation du livre des Machabées, & fut devant la construction de la cité de Troye cinq cens vingt neuf ans, & après ladicte inondation & Déluge des eaux cent quarante cinq ans, selon ledict de Saint Gelais. Ceste cité, comme il appert, est la plus ancienne du Royaulme de France, pour ce qu'elle fut édifiée par le premier roy de Gaule, sitost après le Déluge, & d'icelle est dénommée toute la province Gaule Senonaïse ou Senonence, qui anciennement avoit grande autorité sur les citez de Gaule cel-

ticque, & est très abondante en vignes, fruitz, bledz, ruisseaulx, fleuves & fontaines. Ceulx de Sens, comme dict l'autheur de la Mer des histoires, jadis estoient nommez Zenones, pòur ce qu'en leur cité ilz avoient receu & logé Bachus, dieu du vin, car Zenon en hébrieu signifie réception. Mais depuys, comme dit Ysidore, au neufviesme, ceste lettre z a esté muée en ceste lettre s, & ainsy ont esté appelez Senonois. Les Gaules de Sens (comme dient Justin & Titus Livius), soubz la conduicte de Brennius & Belinus, roys d'Angleterre, ont faict grandes conquestes en Macédone & Grèce, où ilz ont laissé leur nom en une partie desdictes terres, qu'ilz appelèrent Gallo-grèce. Semblablement invadèrent le pays d'Italie & assaillir & prirent la cité de Romme, mesmement assiégèrent le capitolle de Romme qu'ilz eussent prins de nuit si n'eust esté le cry d'une oye qui les Rommains esveilla, & y eut grande bataille entre lesdicts Gaulois & Rommains.

Raphael Volateranus, en sa géographie, dit que la dicte bande des Gaulois Sénonois ou Senonenfiens, en ce voyage qu'ilz feirent à Romme, passans par Italie, édifièrent les citez de Milan, Senes-la-Vieille & aultres ès parties de Ligurie, qu'on dit de présent Lombardie.

La fondation d'Authun.

A uthun, diſte en latin *Hedua*, ſemble avoir eſté fondée du temps de Samothès deſſusdiſt, premier roy de Gaule, comme il appert par les parolles de Barthélemy Chaffe-neus, en ſon livre *De gloria mundi*, en la vii^e partie, qui ſont telles : *Quis tuos canet Hedua triumphos, Quis tuum a Samothe genus*, etc. En ceſte cité (par meſme teſmoignage) premier qu'en Grèce florirent les lettres, qui furent trouvées par lediſt Samothès, duquel pluſieurs philoſophes ont eſté appelez Samothées, & principalement envers ceulx d'Authun, qui premièrement trouvèrent l'art de naviguer & tranverſer les eaux, leſquelz auſſi furent jadis dominateurs de la plus grant part des Gaules, comme il appert par les Commentaires Céſar. En ceſte cité eſtoit ung champ appellé le Champ-de-Mars, à

présent dict Saint Lazare ; & hors icelle sont plusieurs montz, comme le mont Philosofia, où estoit le temple Cupido, dieu d'amours, le mont Jovis ou Juppiter, le mont des Druides, plein de chefnes, lesquelz Druides sont ainsi dictz de *drios* en grec, qui est *quercus* en latin & *chefne* en françoys, combien qu'aulcuns dient qu'ilz furent ainsi nommez de Drieus, quatriesme roy de Gaule, comme il sera dit cy après ; puis le mont de la Genestoie, où estoit le temple de Pluto & Proserpine. Le mesme auteur, au Commentaires des coustumes de Bourgogne, aléguant l'épistre faicte par maistre Pierre Turrel, dict que celle cité a esté nommée *Augustudunum* par les grecz. *Augustudunum* est dit *afgi* en grec que nous disons *auge*, qui est splendeur & propre nom de femme, & de *duno*, qui est *induo*, qui en françoys vestis signifie, par quoy *Augustudunum* denote vestu de splendeur ; aussi dient les citoyens avoir esté aultres foys veu ung

escharboucle en celle cité, qui par sa splendeur & clarté tout le lieu illustroit.

Descendons & cherchons plus amplement les conditeurs d'icelle. Lucifer, tiers filz de Jupiter (tesmoing Boccace, en la généalogie des dieux), engendra Dédalion, qui engendra une dame nommée Auge, furnommée Chiona, qui est à dire *blancheur* ou *neige*, laquelle Apollo, dieu du Soleil (selon les anciens), print à femme. L'histoire est assez consonante à la philosophie, pour ce que Appollo, qui est le soleil, ne peut estre sans auge, qui est splendeur, comme l'homme ne peut estre sans la femme ; c'estuy Appollo fonda la cité d'Austun & du nom de sa femme dicte Auge l'appella *Augustudunum*, & de son furnom, qui est Chiona, ung chasteau, que peu après il avoit construit, appela Castrichion, qui le chasteau de Chione nous dénote. Appollo, après la construction d'icelle cité, en l'isle de Delphos se transporta, laissant sa femme Auge en ce lieu, au moyen

que par luy estoit d'aucun cas suspeçonnée, laquelle, de ce trop courroucée en douleur & tristesse mourut & expira, puis fut ensepulturée seubz une pyramide au mont de Cucubarre, ainsi qu'on voit encore de présent. Cellui Appollo, selon Eusèbe, en son Livre des temps, régna environ l'an du monde mil sept cent & onze, auquel temps feut la ville d'Authun commencée, à scavoir est l'an du Déluge cinquante cinq, lequel Déluge (par le tefmoignage de Philo Hébreu) submergea toutes les terres, l'an du monde mil fix cens cinquante fix.

La cause pourquoy Authun est appelée *Hedua*, fut pour ce que les citoiens d'icelle estoient nommez *Hedui*; ces gens (selon les recens cosmographes) habitent la Gaule celtique supérieure, lesquelz sont séparés des Séquanois ou Bourguignons par le fleuve de Arar ou Saune; ilz furent dict *Hedui* de *idos* grec, qui doulx & souef signifie, car ilz sont amiables, & aussi ilz furent frères &

amys des Rommains, comme ont escrit Pomponius Mela & Diodore Sicilien.

D'autre opinion sont aucuns qui dient qu'elle fut nommée *Hedua* par augure de deux chevreaulx faillans & bataillans en l'aer, qui furent veuz des citoyens assemblez & débatans pour l'imposition du nom. Après la première bataille & opugnation d'icelle, comme on lit Romme avoit esté nommée de Romulus, qui demoura vainqueur de l'augure, car plus qu'à son frère lui apparurent de vaultours, & ainsi Authun du nom des chevreaux, dictz en latin *hedi*, fut *Hedua* dénommée.

La fondation de Rouen.

Rouen assise en Gaule celtique sur le fleuve de Seine (comme dit Jehan le Maire), fut édifiée par Magus, deuxième roy de Gaule, filz de Samothès, à quoy s'accorde l'auteur de la légende des Flamans.

Celluy roy Magus régna environ trois cens ans après le Déluge, & fut grand édificateur, comme son nom le démontre, car Magus, en langue scithique, signifie *édificateur*, ce que tesmoigne frère Jehan Annius de Viterbe, expositeur de Berosé. De luy sont plusieurs citez nommées, comme celle cité de Rouen, qu'on dit en latin *Rothomagus*, *Neomagus* en la province Lyonnoise, & *Noviomagus*, qu'on appelle Nimeghe, la première ville des Gueldres, à quoy s'accorde Ptolomée, en sa cosmographie.

Cette cité est située en Normandie, que

par avant on appelloit Neustrie, laquelle fut ainsi nommée par les Danois normans, qui ceste province, après maintes batailles, occupèrent du temps du roy Charles-le-Simple. Ces Danois s'appelèrent Normans pour ce qu'ilz venoient de septentrion, car *North*, en leur langage est interprété *septentrion*, & *Man* signifie *homme* ; desquelles deux dictions, par nom composé, s'appelèrent *Normans*, qui est à dire *hommes de septentrion*, & le pays *Normandie* nommèrent.

La fondation d'Angiers.

L'an du monde deux mille, & du Déluge trois cens quarante quatre, régnant Sarron, troyfiesme roy de Gaule, filz du dessus dict roy Magus (comme récite le croniqueur d'Anjou), en la Gaule celticque estoit une province nommée Egada, de laquelle les peuples s'adonnèrent à acquérir science & philosophie, desquels adverty le roy Sarron les manda devers luy venir ; & estans venus, pource qu'il les trouva de scavoir plus subtil & agu qu'on ne disoit, de luy impétrèrent auctorité d'édifier une cité en leur territoire, & les renvoya avec grans dons qu'il leur feist distribuer. Retournez lesdictz philosophes en leur région de Egada avec le privilège dessus dict, entrèrent en la forest du Nid d'oyseau ou de Merle, en laquelle trouvant un lieu fort peuplé & habité d'oyseaulx, le jugèrent plus

fertile, doux, pur & l'aer y estre plus sain & net qu'ailleurs; par quoy commencèrent à bastir & édifier maisons & loges pour leur demeure, lesquelles ilz cloyrent de fors palliz de boys en lieu de murailles. Et à cecy accorde bien le poète Appollonius, qui dit la cité d'Angiers avoir esté édifiée régnant le roy Sarron sur les Gaulois ou François, laquelle nouvellement construite nommèrent *Andes*, lequel nom, jouxte les dictz de César, longuement elle retint.

Deux mille vingt sept ans, ou environ, après la fondation d'icelle cité, lorsque la riche cité de Troye fut en cendres conformée par les Grecz, plusieurs Troyens qui des glaives grégois & ruineuses flammes eschappèrent, non voulans séjourner au Dardanique territoire, en une bande s'assemblèrent, eux donnans au prince grec Ajax Thélamoni-
nius, affin que, luy d'eux estant duc & capitaine, peussent seurement aucun lieu trouver convenable pour demourer. Cestuy Ajax

ainfi fait d'iceulx Troyens, pour mieulx illuſtrer ſa généroſité, de ſon nom les dénomma Angions, & eulx de luy ce nom receurent. Eſtant au camp devant Troye deſtruiſte, à l'occaſion du débat eſmeu entre luy & Ulixes, fut trouvé meurdry & occis en ſa tente, de quoy les Angions trop eſtonnez & dolens des Grecz ſe ſeparèrent, équipans cinq ou ſix navires dedans leſquelles (les mers paſſées), arrivèrent en Gaule, & ſe trouvèrent, après longs voyages, en la plaiſante foreſt du Nid d'oyſeau, en laquelle errans trouvèrent la ville de Andes jadis par les philoſophes édiſiée, laquelle pour lors tournoit fort en ruine. Iceulx Angions aléchez de la douceur du pays, conſidérans auſſi le nom des Andes aſſez bien convenir avec le leur, délibérèrent en ce lieu demourer & avec les anciens habitateurs reſtablirent & réédifièrent l'antique ville de Andes, l'an du monde environ quatre mille xxvii, & de leur nom l'appellèrent *Angers* & les habitans *Angevins*, com-

bien que ladicte ville retint longtemps après son nom des Andes, comme elle faisoit du temps de Jules César estant ès Gaules, par le tesmoignaige de ses Commentaires.

La fondation de Dreux.

Dreux est une ville assise à seize lieues de Paris, en tirant à la duché de Normandie, laquelle fut édifiée par Driius, filz de Sarron, quatriesme roy de Gaule, homme plein de science & philosophe, duquel procéda la secte des Druides, philosophes Gaulois, qui près celle cité se tenoient; lesquelz on avait en grand estime pour ce qu'ilz estoient grans augures & magiciens, devins & sacrifians au dyable. Le roy Driius commença à régner l'an du Déluge quatre cens & dix, c'est assavoir deux cens cinquante ans depuys la première fondation du royaume de Gaule, comme récite Berosé de Caldée en son histoire.

La fondation de Lyon.

Lyon sur le Roſne, comme teſmoigne Jehan Le Maire, fut fondée & édiſſiée par Lugdus, trezieſme roy de Gaule, de ſon nom l'appellant *Lugdunum*, comme encore pour le préſent eſt en latin appellée. La fondation de ceſte cité, ſecond œil de France & dont l'archeveſque eſt primat des Gaules, ſe peult congnoiſtre par ſondiſt fondateur, lequel commença à régner l'an après le Déluge fix cens quatre vingtz, depuys la fondation du royaulme de Gaule fix cens ſeize, devant que Paris feuſt édiſſiée deux cens vingt, devant Romme cinq cens ſeptante & huyt, & devant l'incarnation Noſtre-Seigneur ſeize cens trente ans.

Symphorien Champier, chevalier, en ſon livre de la Rébellion de Lyon, dit que du temps de Minos, roy de Crète, duquel le

filz avoit esté occis en Athènes, pour laquelle cause guerre mortelle fut esmeue entre les Athéniens & ceulx de Crèthe, plusieurs philosophes d'Athènes laissèrent le pays de Grèce, & passans par Marseille, vindrent le long du Rosne jusques en l'Isle galique entre ledict fleuve du Rosne & le fleuve de Saune, où ilz édifièrent une achadémie qu'on nomme de présent université, & du nom des Athéniens leur cité *Athanachus* nommèrent, & qui de présent est Lyon appellée. Longtemps depuys, régnant Jules César, Caius Caligula & autres empereurs rommains, jusques à Néron, ladicte université ou achadémie fut florissante par le studieux labeur desdictz philosophes.

En celle cité, au plus hault de la montagne, là ou à présent est une église nommée Nostre-Dame de Forvière, là estoit le temple de Vénus, la déesse d'amour, auquel temple estoient quarante coulottes de marbre apportées de quarante provinces,

lesquelles provinces estoient subjectes chascune à sa coulonne, c'est-à-dire à la seigneurie lyonnoise, & chascune coulonne par sa région avoit esté édifiée. Du depuis ycelles coulones furent myses & appropriées à l'entour du cueur de la grant esglise de Saint Jehan dudiect Lyon & y sont encor à présent.

Textor, en son Officine, diect que Lyon fut édifiée par Munatius Plancus, romain, disciple de Tules Cicero, père de l'éloquence latine, à quoy s'accorde Plutarche, en la vie Hannibal de Carthaige, où il dit : *in Insula galica Lugdunum est celeberrima Galie urbs, quam a Planco Munatio conditam fuisse accipimus*. Selon laquelle oppinion elle fut édifiée environ le temps de la nativité Nostre-Seigneur Jésuchrist, durant le règne d'Octovian Auguste, second empereur de Romme, comme l'auteur de *Fasciculus temporum* récite.

*La fondation de Valence & Rommans en
Daulphiné.*

ROMUS, feziefme roy de Gaule, filz du roy Alabrox, comme dit Jehan Le Maire, fonda la ville de Rommans en Daulphiné fur le fleuve de l'Ifère, duquel roy elle porte le nom, & auffy édiffia la cité de Valence, qui par interprétation n'eft aultre que *Roma*, felon aucuns, & par ainfi Romus fignifie *vaillant*. Ce roy, comme dit Manethon d'Egypte, fonda ung peuple nommé Romandz; ce font ceulx que Ptolomée descript en la Gaule Belgicque, les appellant *Romandiffos*. Encores de présent difons la ville de Nivelles eftre située en Romain Brabant, à caufe de la différence du langage, car les bas Allemans parlent theutonicque ou throis, mais en la Gaule Belgicque, c'eft-à-dire Henault, Cambrefis, Namur, Liège, Lor-

raine, Romain Brabant, on parle le vieil language galicque que nous appellons Vualon ou Romant, & auffi les vieulx livres composez en ceste langue sont appelez Romans, comme le Romant de la Rose & autres.

La fondation de Paris.

ENTRE toutes les villes & citez du pays de Gaule & principalement du royaume de France, Paris est la capitale & le siège des roys très chrétiens, laquelle de présent resplendit en toutes vertus & sciences pour la sainte estude de l'université qui en Athènes jadis florissoit, & le juste sénat, autrement appelé la court de parlement, qui en icelle continuellement pullulent & augmentent, tellement qu'elle est maintenant plus estimée tant pour ses richesses & fertillitez que pour les peuples & nations qui y habondent, que toutes les villes d'Europe. Ceste cité, selon l'opinion de Jehan Le Maire, fut construite & edifiée par Paris, dix huytiesme roy de Gaule, & de son nom fut Paris appelée soixante & dix ans après la première fondation de Troye par Dardanus, devant que

feust Romme édifiée quatre cens quatre vingtz & dix huyt ans, & devant la nativité Nostre Seigneur Jéfu-Christ quatorze cens dix sept ans.

Les autres dient que Hercules voulant aller en Espagne par les Gaules, passa & s'arresta en une isle enclosé de la rivière de la Seine, auquel lieu une compagnie de ses gens, Parrasiens nommez, délaissa, lesquelz en mutation de A en I, furent & encores sont Parisiens nommez, & par eulx fut la cité de Paris édifiée.

Maistre Nicolle Gilles & Raoul de Presles, translateur de la Cité de Dieu, dient qu'elle fut édifiée par les Troyens & Sicambriens, deux cens trente ans après la fondation de Sicambre faite par Francus, filz d'Ector, lesquels conduictz estoient d'un prince Troien nommé Ybros, & la nommèrent Paris en l'honneur de Paris, filz du roy Priam de Troyes; puis fut Luthesse appelée a *lutho*, qui *greffe de terre* signifie. Ceste fondation fut

faicte huyt cens trente ans avant l'incarnation Nostre Seigneur Jéfu Christ. De rechief fut Paris appellée par Marchonurus, duc de France orientale, qui aussi, en l'honneur de Francus ou Francion, le pays de Gaule nomma France.

Plusieurs auteurs latins appellent Paris *Civitas Julii*, non pas que Jules César l'ait fondée, mais grandement l'a multipliée & augmentée, comme j'ay plus amplement récité en mon livre intitulé *Les antiquitez de Paris*; & pour ce qui voudra scavoir la fondation & les oppinions diverses, voye ledict livre, car autrement n'en ay voulu escrire en ce lieu pour éviter prolixité & redicte.

La fondation de Nantes en Bretagne.

NAMNES, vingt deuxiesme roy de Gaule, filz de Galathas le jeune (comme dit Manethon d'Egypte), fonda la cité de Nantes en Bretagne armoricque, laquelle de son nom est ainsi appelée, & cecy récite frère Jehan de Viterbe, expositeur dudit Manethon, lequel dit que celluy Namnes commença à régner ung an devant que Laomédon commenceast à régner à Troye, & l'an de la fondation du royaume de Gaule neuf cens & neuf, & après la fondation de Troye deux cens vingt trois ans. Ceste cité est épiscopalle & suffragante de l'archevesché de Tours.

La fondation de Marseille.

L'AN second de Sédéchias, qui, selon Vincent de Beauvoye, fut du quart aage cccc LXXVI, & du monde trois mil ccc LXIII, comme récite Hélinand, fut édifiée la cité de Marseille, de laquelle Justin, en son quarante troixiesme livre, dit que régnant Tarquin, roy des Rommains, aulcuns jeunes hommes du pays de Phocense en Asie, contraintz par la trop petite estendue & maigresse de leur terre, laborieusement s'exercèrent tant à pescher, marchander que desrober plus sus la mer que sus terre, & venans vers Romme, entrèrent au fleuve du Tibre cheant en la mer, où ilz firent confédération & aliance avec les Rommains, & de là transfrètèrent & nagèrent jusques au lieu ou de présent est située Marseille, auquel prenans plaissance, délectation pour l'aménité & douceur d'icel-

luy, en leurs premiers lieulx retournèrent racomptans ce qu'ilz avoient veu ; par quoy esmeurent & folicitèrent plusieurs à y aller. Assemblez lesditz Phocenses, sus eulx élevèrent deux ducz : Aurius & Peranne nommez, combien que par aucuns soit le dernier nommé Prothis, & navigans arrivèrent devers Secanum, roy des Segoergiens, avec lequel conviendrent d'amitié, demandans lieu & place ès fins de sa terre pour fonder une cité. D'aventure ce jour estoit le roy occupé pour les nopces de Gipte, sa fille, qui ce jour devoit estre mariée à la coustume du pays, qui estoit telle, que tous estans assis à table & la fille cheminant au long d'icelle, celluy auquel elle tendroit de l'eau, pour son mary estoit esleu. Et ainsi comme tant les Grecz que les autres au convive furent invitez, la pucelle du père introduicte allant par les tables, les autres délaissa, & venant vers les Grecz, de la beaulté de Péranne ou Prothis fut surprinse, auquel elle tendit de l'eau.

Péranne donques esleu gendre du roy, de luy impétrâ lieu pour édifier une cité. Lors fut faicte & fondée Marfeille à l'entrée du Rosne, en ung coing, comme à l'anglet de la mer, entre les Ligures, que nous difons Lombardz, & les François, comme récite Volaterranus, en sa géographie. Et d'iceulx Phocéens aprirent premièrement les François la manière de labourer & cultiver les terres, fermer les citez de murs, portes & fossez, ordonner les vignes & oliviers, & aussi leur baillèrent justes loix pour eulx gouverner, pource qu'alors ilz estoient rudes & sauvages. Varro dit qu'ilz parloyent trois langaiges, c'est assavoir grec, latin & françois.

La fondation de Nice.

NICE, assise ès fins & limites de Gaule celticque (par le tesmoignage de Tector, en son Officine), fut construite & édifiée par les citoyens de Marseille, après la construction de leur cité, pour ce que le peuple trop habondoit en icelle; par quoy fortans & yffans par grande affluence de Marseille donnèrent commencement à la cité de Nice, de laquelle je n'ay sceu scavoir le temps qu'elle fut construite par aucun autheur, sinon qu'on peult conjecturer que ce fut peu de temps après la fondation de ladicte cité de Marseille, dont est escript cy-dessus.

La fondation de Auxerre.

L'AN de la fondation de Romme troys cens & quinze, Brennius & Belinus, enfans du roy de Bretagne, ducz des Gauloys Senonenfiens, Savoyfiens & Bretons, envahirent les Gaules, destruyfurent les Neufstriens qu'on dit Normans, prindrent les Belvacenfiens, ardirent Luteffe qu'on dict Paris, & ilz abbatirent Yfeos qu'on dict Melun, finalement retourniez à Sens, grandement là multiplièrent & augmentèrent. Et, en mémoire & fouvenance de leur victoire, plus arrière d'icelle cité de Sens, dicté facerdotalle, fondèrent & édifièrent une cité qu'ilz nommèrent *Altissiodorum*, qui vault autant à dire comme *Le très-hault siège des Dieux*, & est maintenant Auxerre appelée. Laquelle encores

on dit de présent en latin *Altissiodorensis*,
comme dient Lucius de Tongres & Hugues
de Toul, & après eulx Jacques de Guise, en
ses Cronicques.

La fondation de Coustances.

EN Normandie est située une cité nommée *Augusta Romanorum*, comme dict Raphael Volaterranus en sa Géographie, laquelle cité, comme on peut conjecturer par le nom dessus dict, peut avoir esté faite par Augustus César, second empereur de Rome, & de puis, comme récite l'auteur préalégué, fut nommé Coustance par Constantius César, XLIII. empereur, qui volontiers en celle cité se tenoit; le regne duquel fut très-heureux, & mourut à Evreux, comme tesmoigne Jehan Baptiste Egnace en ses histoires.

La fondation de Dijon.

DIJON est en latin nommée *Divion* & estoit anciennement ung chasteau, lequel fut fondé, à la similitude d'une ville, l'an de Nostre Seigneur deux cens vingt par Anthoine Marc Aurèle, aultrement dit Aurélian, comme dit Bartholomy Chaffeneus, au proefme des Coustumes de Bourgongne, alégant ce qui est escript en la vie saint Grégoire. Cecy dient aussy Annonius, moyne, des gestes des François au livre deuziesme, chapitre vingt & quatriesme, & Grégoire de Tours, au livre troiziesme, chapitre dix-huitiesme. Cestuy Aurélian fut le troiziesme qui obtint l'empire romain après le décès de l'empereur Severus. A cecy assez s'accorde la légende saint Bening, disant ainsi : « Le « bien heureux prestre & glorieux martir, « Benning, plein du Saint Esprit, vint au

« lieu nommé Divion, auquel lors, du com-
« mandement de l'empereur Aurélian, on
« édifioit ung neuf chasteau, & en ce lieu
« ledi&t Bening annonçant au peuple la vérité
« catholicque se tint l'espace de vingt ans, &
« là fut martirisé par le commandement
« d'icelluy empereur » ; lequel voyant icel-
luy nouveau chasteau bien environné de
murs & fortes tours, l'eut en grande estime,
& y feist faire troys souverains temples, l'ung
dédyé à Juppiter, l'autre à Saturne, & le tiers
à Mercure, & appella le lieu Divion à cause
des dieux qui y estoient honorez, qu'on
dit en latin *divi*. Ce chasteau Divion,
en françoys Dijon, est composé de très fors
murs & aorné de trente troys tours, le
tout de ciment, & a quatre portes ayans leur
regard vers les quatre parties du monde.
Maintenant il est très augmenté, tellement
que c'est la principale ville de Bourgongne.

La fondation d'Orléans.

ORLEANS ou Aurélians, par le témoignage de Jehan Le Maire en son livr Des scismes de l'Eglise, fut jadis fondée, sur le fleuve de Loire, par Aurelianus, trente deuxiesme empereur des Rommains, duquel le règne commença l'an de salut deux cens soixante & treize (comme dit Vincent en son histoire), combien que César en ses commentaires face mention d'un lieu appelé *Genabum*, pour lequel plusieurs entendent que ce soit la cité de Orléans, toutes fois le pré-nommé autheur la dit avoir esté faicte par le dessusdict empereur, qui son nom lui imposa & de luy est d'Orléans appellée. Et par ce peult-on conjecturer qu'elle fut édifiée au lieu & place dudit *Genabum*, lequel peult-estre avoit esté destruit & mis en ruine au temps du dessusdict César ou aultre empereur de Romme.

La fondation de Grenoble en Daulphiné.

LA cité de Grenoble en Daulphiné, comme il appert par la table du tiers livre des Illustrations de Jehan Le Maire, fut édifiée par Gracian, cinquante ungniesme empereur des Rommains, qui de son nom l'appella *Gratianopolis*, lequel commença à régner à l'empire avec Valentinian, l'an de grâce troys cens septante, & du monde quatre mil troys cens trente & trois, comme récite Vincent de Beauvais au quinzième livre de son Mirouer hyftorial.



LES FONDATIONS DES VILLES ET CITEZ ASSISES
EN LA GAULE BELGICQUE.

A PRÈS que j'ai fait la narration
Et récitè de la construction
De plusieurs lieux de la Gaule celtique,
Nous entrerons dedans Gaule belgique
Pour y trouver, par probables indices,
Les bastimens, antiques édifices,
Acroissemens de villes renommées,
Aussi comment elles furent nommées
Par leurs premiers illustres fondateurs,
Ainsi que j'ay cueilly de mainètz autheurs
Dignes de foy & plusieurs répertoires,
Où on voirra mainètes belles hystoires,
Et la façon comme, au pays François
Et Alleman, plusieurs ont prins leur choix
Pour habiter sans noises ne contendz,
Ainsy qu'ilz sont encores de ce temps.

La fondation de Trèves.

L'HISTOIRE de Trèves traictant de la fondation d'icelle par le récit de frère Jacques de Guise, homme de grant scavoir & diligence, dit que Ninus, roy des Babiloniens ou Assiriens, filz de Belus & fondateur de la grand cité de Ninive, eut à femme la grande Sémiramis, royne de Babilone, de laquelle il eut ung filz nommé Ninus, second du nom. Icelle Sémiramis commença à régner après la mort de son mary, l'an du Déluge troys cens deux, & régna quarante deux ans, jusques à ce qu'elle fut occise de son dict filz Ninus, lequel elle avoit sollicité de folle amour, comme dient les histoires.

Or avoit eu Ninus premier du nom ung filz d'une aultre femme nommée Trabeta, qui du royaume paternel devoit estre succes-

feuz; mais la royne Sémiramis voulant y obvier, print l'administration & gouvernement du royaume pour son filz Ninus, comme dessus est dict. Et dit Jacques de Guise pré-légué qu'elle sollicita & exhorta celuy Trabeta à l'aymer follement, mais luy refusant le libidineux vouloir d'icelle, encourut sa mauvaïse grâce & le print en merveilleuse hayne. Trabeta craignant la puissance & fureur de sa marastre, Babilone délaissa, &, cherchant aultre terre pour habiter, finalement s'arresta en la Gaule belgique, non pas trop loing de la rivière du Rhin, & en ce lieu fonda une puissante cité qu'il nomma Trèves de son nom; en laquelle, comme dict Jehan Le Maire, feist premièrement adorer l'idolle, statue ou simulacre de son grant père Jupiter-Belus, filz de Nembroth le géant, mil neuf cens quarante sept ans avant l'incarnation Nostre Seigneur Jésu Christ, qui fut l'année première de sa fondation très antique. A cecy s'accorde l'auteur de la Mer

des hystoires, disant ainfi : « Trèves, fondée par Trabeta, filz de Ninus, fut la première cité d'Europe. » Après la mort dudiçt Trabeta, son filz Héro, selon la forme des anciens, feist brulser le corps de son père, puis l'ensepvelir sur la montaigne Dran, & mist dessus luy une tumbe de marbre où estoient par vers contenus & descriptz élégamment ses gestes & faictz. Après la mort dudiçt Héro, ceux de Trèves croissans en nombre & richesses, environnèrent leur cité de murs & de tours, & firent quatre portes tendans vers les quatre parties du monde, avec ce édifièrent ung temple à Mercure, auquel fut son ymage colloquée. Après ceste cité furent édifiées & fondées plusieurs aultres, c'est assavoir Basle, Argentine, Spira, Magunce & Conloigne, lesquelles furent toutes faictes tributaires à cette cité.

La fondation de Langres.

LANGRES est une cité assise en Gaule belgique, de laquelle l'évesque est duc & per de France. De ceste cité diët Jehan Le Maire de Belges qu'elle fut fondée par Longho, vi roy de Gaule, lequel commença à régner l'an de la fondation du royaume de Gaule ccccxli. Et qu'il soit ainsi ceste cité est en latin nommée *Linghonenfis*, qui n'est guères dissonant de *Longhonenfis*, terme assez semblable au nom d'icelluy roy. Ceste cité est en la province Lyonnoise & suffragante de l'archesque de Lyon.

La fondation de Beauvais.

BEAUVAIS, comme dict Jehan Le Maire, fut jadis fondée par Belgius, XIII^e roy de Gaule, filz de Lugdus, fondateur de Lyon, comme j'ay dict. D'icelluy Belgius est dénommé (par ce mesme tesmoignaige) la partie de Gaule belgique, en laquelle est assise & située ceste cité de Beauvais au territoire de Picardie.

*La fondation de Belges ou Bavay en
Henault.*

DE la fondation de Belges réciteray assez brièvement, en ensuyvant la narration hyftorïalle de Jacques de Guise, qui les cronicques de Henault a composées & dict ainſy : Au temps que Abdon estoit juge sur les enfans d'Israel, ung prince nommé Bavo, roy de la haulte Frigie, cousin germain du couſté maternel de Priam, roy de Troye (car leurs deux mères estoient ſeurs), combien que de ſon pouvoir il euſt donné ſecours, ayde & conſeil à ſon cousin Priam, leſquelles choſes de riens ne luy avoient proffité, co- gnoiſſant auſſi par art aſtrologicque & terreſtre qui s'expérimentoit par fortz & incantations, & par les reſpons & oracles du Dieu Juppiter, que Troye ſeroit deſtruiſte par les Grecz & que la nobleſſe des Troyens ſeroit

extirpée d'Asie pour estre plantée en Europe, mieulx ayma ployer que rompre ; par quoy, les respons des dieux obtenus & entendus, après la ruine Troyenne, délibéra chercher & quérir aultres terres. Pour cela faire print & recueillit ce qu'il peust trouver de son peuple, famille, princes & adhérens, entre lesquelz estoient quatre ducz qui avec luy se joignirent. Ceste bande équipée de deux cens navires soubz le roy Bavo, la mer Hélespont naviga, & passant la mer Méditerranée, les destroiçtz de Maroch, les Espaignes & rivaiges de Gaule qu'on dit maintenant Bretagne, Normandie & Picardie, print terre en une contrée non pas fort loing de Hennault, en laquelle le Rhin entre & se mesle à la mer Occéane. Advient après que les nefz du roy Bavo & des Troyens furent arrivées & appliquées à la terre, estans espendus sur la région, & les tentes & pavillons tenduz pour scavoir le nombre du peuple, soudainement entre eulx faillit ung loup blanc

fuyant parmy le peuple, après lequel chassèrent dix jouvenceaulx de l'ost par troys jours, tant qu'ilz parvindrent dessus le mont de Beel où estoit le temple d'icelluy dieu, près lequel, en une fosse, se mussa ledict loup & le perdirent les veneurs Troyens de veue, lesquelz s'enquirent aux habitans de la condition du pays; & eulx faitz certains de ce qu'ilz demandoient, au roy Bavo l'annoncèrent; lequel congnoissant que c'estoit la marche & contrée à eulx par Juppiter promise, feist promptement faire général commandement que tous se partissent de la mer & le suyviissent en la terre qui leur estoit promise. Ayans cheminé par troys jours & arrivez au mont Beel, laquelle contrée à la seigneurie de Trèves estoit subiecte, plantèrent leurs tentes à l'entour du temple d'icelluy dieu, où, après plusieurs expérimentz faitz par sort terrestre & art magicque, fonda celluy Bavo une très puissante cité qu'il nomma Belges de son nom, ou à l'honneur

du dieu Beelis ou Belus, père de Ninus, dont ey dessus est faicte mention. Toutes foys dit Jehan Le Maire, en son troyziefme livre, que ce fut en l'honneur de Belgius, quatorziefme roy de Gaule, duquel j'ay parlé cy devant. Ceste cité par le tesmoignage de Eufèbe, selon sa computation, fut commencée à édifier par le roy Bavo, l'an après la création du monde deux mil sept cens quatre vingtz & huyt, au huitiefme an après la destruction de Troye; à quoy s'accorde Lucius de Tongres, disant que d'elle toute la contrée fut nommée Belgicque, & présidoit sur toute Gaule belgicque. Les Troyens ou Belgiens ainsi arrestez prindrent & mirent à destruction la cité de Trèves (ja fondée), dont les habitans leur avoient demandé tribut, & d'icelle aportèrent les dieux; par quoy, outre ceulx quilz avoient aportez de Troye, grandement acreust leur faulse religion. Et de ses despouilles ainsi conquises le roy Bavo feist faire sept merveilleux temples

en sa cité, en laquelle il y avoit sept portes, selon les sept planettes, & mille tours chacune de cent couldés de haut & dix huit d'espeffeur; puis édiffia son palais au milieu de la cité par amplitude & magnificence incroyable, comme on peult veoir par ladiète cronicque de Belges. « Ceste cité (dit Jehan Le Maire), n'est à présent que une petite ville déserte & désemparée qu'on dit Bavay en Henault, de laquelle les ruines monstrent qu'au temps passé elle a esté de merveilleuse estendue; & fut destruiète & son règne finit par Atilla, roy des Huns. »

La fondation de Tongres.

APRÈS la fondation de Belges, le roy Bavo, pour mieulx fortifier ses alliances, à chascun des quatre ducz de la haulte Frigie qu'il avoit avec luy amenez, bailla une de ses filles, en leur donnant puissance de fonder villes & citez sur les confins & extrémitiez de Gaule belgicque. Par ainsi le premier d'iceulx ducz nommé Turguncius, avec sa femme & son peuple, alla fonder la cité de Tongres sur le rivaige de la mer Occéane, de laquelle, dit Jacques de Guise, « Turguncius fonda la cité de Tongres en Hasebaing, près la cité du Liège ; » laquelle cité du Liège, selon nostre description, est assise en Gaule belgicque & jadis estoit nommée Caprimond, comme recite ledict de Guise au troysième livre de ses cronicques. Toutesfoys

l'histoire de Tongres, à laquelle s'accorde Jehan Le Maire, dit qu'elle fut fondée par ung nommé Torgotus, qui procéda & vint de la génération des Sicambriens ou François, & ainsi l'appella du nom de son filz nommé Tongris, & jadis fut ung peuple nommé Tongrois.

La fondation de Metz en Lorraine.

LE second duc nommé Moselanus, qui avec Bavo estoit venu de Troye, passa la forest d'Ardane & fonda la cité de Moselaine, que nous difons Metz en Lorraine, sur le fleuve de Moselle, qui du nom dudit duc est ainsi appelé.

La fondation de Théroouenne.

Letiers duc appelé Morineus laissa la cité de Belges, &, avec sa femme & sa famille, vint es parties de Picardie, où il édifia la cité qu'on dit en latin *Morinum* & en françois Morienne, & maintenant s'appelle Théroouenne, c'est à dire vaine & inutile, gastée par les Huns qu'on dit maintenant Hongres, ou, comme dit Jacques de Guise, par les Vuandalles, qui la destruisirent, & après l'appellèrent Théroouenne.

La fondation de Clermont en Beauvoysin.

LE quart duc nommé Carineus ou Clarineus, en lieux palustres, sur grosses rivières & marescaiges bastit & fonda une cité; laquelle il nomma Carinée ou Clarinée. Aucuns tiennent que c'est la ville de Gand en Flandres, assise sur trois grosses rivières portans basteau, là où depuis Jules César fust fermer ung puissant chasteau. Les autres dient, & mesmes Jehan Le Maire, que ladicte Carinée ou Clarinée est la ville de Cleremont en Beauvoysin, assise en très beau pays, à seize lieues de Paris, sur le chemin d'Amiens.

La fondation de Magunce.

MAGUNCE ou Maïance, comme tesmoigne Jehan Le Maire au troyziesme de ses Illustrations, fut fondée par ung prince Troyen nommé Maguntius, lequel vint en Gaule en la compagnie de Francion, filz de Hector de Troye, père des François, en sa généalogie, & fondateur de Sicambre. Ceste cité est assise sur le fleuve du Rhin, & est des appendances de France orientale; semblablement est siège archépiscopal en Allemagne.

La fondation de Phorcen.

PAR delà le fleuve du Rhin, en Allemagne, non loing de Gaule belgique, en une contrée par les François jadis en ce lieu halutans nommée Franconie ou France orientale, est assise la ville de Phorcen, où on faiçt les bonnes fustennes, laquelle fut fondée, selon l'auteur préalégué, par Phorcis & Ascanius, ducz & conducteurs d'une bande Troyenne, jouxte ce que dit Homère en son Iliade:

Phorcis & Ascanius Frigias duxere catervas.

Et ce récite ung autheur très renommé, messire Jehan Reuclin, au commencement de son livre *De verbo mirifico*.

La fondation de Louvain.

RÉCITE Jacques de Guise que Lupus, duc des Albaniens ou Escossoys, estoit entré en Gaule, en la terre de Belges, durant le règne de Aganipus, second du nom, prestre souverain de Belges, contre lesquelz celuy Aganipus mena grosse armée, en espérant avoir bataille; mais les Albaniens congnoissans non avoir l'avantaige & n'estre les plus fortz, requirent aux Belgiens auctorité & puissance de fonder aucune cité & habiter es forestz d'iceluy pays, ce qui leur fut accordé. Et lors Lupus fonda en Gaule belgique une cité, laquelle de son nom il appella Luposain, & maintenant on la nomme Louvain. En celle cité jadis estoit le temple des dieux Mars & Pluton, auquel, comme dict Jehan Le Maire, furent célé-

brées les nopces de Salinus Brabon & de
Suvane, niepce de Cézár, fille de Charles
Ynach & Suvane, desquelz est parlé en
l'histoire de Valentiennes.

La fondation de Bonne & Zanthès.

DEUX cens quatre vingtz ans depuis la destruction de Troye & avant la fondation de Romme deux cens ans, ou environ, une bande de Troyens ou Sicambriens, soubz leurs ducz Troyades & Torgotus, (duquel Torgotus est cy-dessus escript), descendirent sur le Rhin & fondèrent la ville de Bonne, près Couloigne sur le Rhin, & subséquemment la ville de Zanthès en la duché de Clèves, ainsi appelée de Xanthus, fleuve passant par le milieu de Troye; laquelle cité de Zanthès anciennement estoit dictée *Troya Francorum*. Et ceci dit Jehan Le Maire l'avoir trouvé en la légende Saint Victor, duquel y a ung monastère en ladicte ville jadis fondé par sainte Héleine, mère

de Constantin-le-Grant, empereur de Rome, duquel (dit Gaguin, en sa Cronicque), le père nommé Constantius donna le nom à la ville de Constance, qui paravant *Vitudare* estoit appelée, laquelle, selon l'ordre de notre description est assise en la Gaule belgique.

La fondation de Reins.

Tous les historiographes s'accordent que Romulus, fondateur de Romme, fist tuer & occire son frère Rémus, après la mort duquel (comme récite Hugues du Toul, en son Histoire de Lorraine), plusieurs se partirent & absenterent de Romme pour éviter les périlz & dangiers qu'ilz voyoient estre apparens, & spécialement par ceulx qui estoient du party de Romulus. Ainsi départis, au plustost qu'ilz peurent, commencèrent à esloigner la cité de Romme, & par grandes compagnies passant Ytalie & les montz vindrent & entrèrent au royaume de Belges (dont deffus est escript), & en une très belle place & plaissant lieu, fondèrent une cité du gré des Belgiens, laquelle ilz appellèrent

Reims pour l'amour & recordation de Ré-mus, leur seigneur, filz de Mars, dieu des batailles. Ceste cité fermèrent moult noblement de portes, de murs & profondz fossez. Durant laquelle fondation les Senonen siens s'eslevèrent & l'affiegèrent pour la subjuguer & appliquer à leur seigneurie; mais ceulx de Reims furent secourus par Vise, royne des Belges, qui les Senonen siens déchassa, puis entra en la nouvelle cité de Reims, où elle feist faire deux temples, dont l'ung fut en la révérence du Dieu Mars, & l'autre en la révérence du dieu Bachus.

De contraire opinion est Jehan Le Maire, disant que Rhemus, XXIII roy de Gaule & filz de Mannes, du temps que Priam régnoit encores à Troye, fonda celle cité de Reims en Champaigne (comme dient Manéthon d'Egipte & Jehan de Viterbe, son commentateur), en laquelle les très chrestiens roys de France sont sacrez. Ce Rhemus eut une seule fille & unique héritière, la-

quelle il donna en mariage à Francus, fils d'Hector, après la destruction de Troye. L'archevesque d'icelle cité est duc & per de France.

La fondation de Tol en Lorraine.

TULIUS Hostilius, tiers roy des Rommains (comme dit Hugues de Toul préalégué), pour appaïser les Belgiens, qui contre les Rommains vouloient mouvoir guerre, passa en Gaule avec grosse armée, & venans près de la cité de Trèves, les habitans d'icelle ordonnèrent que celluy Tulus, avec si grande multitude de gens, n'aprocheroient point de leur cité, mais prinssent une certaine distance de la cité, où leur oïst se logeast. Adoncques les Rommains eslevèrent leur station en une vallée près le fleuve de Meufelle, lequel lieu estoit nommé Leucus, auquel ilz fondèrent une cité qu'ilz ordonnèrent estre appelée *Tulium*, qui est à dire Toul, à l'occasion du nom de leur propre roy.

Ceste cité est une des principales de Lorraine qui fut longtemps après destruite par les guerres qui furent entre les Belgiens, Gauloys & Rommains; de la réédification de laquelle Simphorian Champier dit, en sa Cronicque de Lorraine, que au roy Pharamond, premier roy des François, succéda Claudio le chevelu, son filz, lequel conquesta sur les Rommains, Tournay, Cambray & autres citez, & fut second roy de France, selon les cronicques. A cestuy Claudio succéda Méronée comme roy, non pas de droit mais par usurpation, auquel Claudio avoit baillé le royaume à gouverner après sa mort, jusques à ce que ce ses trois enfans fussent en aage. Après la mort de Claudio, Méronée se imposa la couronne, & par les François fut esleu roy. Quoy voyant la veufve du roy Claudio se retira en Austrasie avec ses troys enfans, lesquelz parvenus en aage demandèrent leur royaume à Méronée, qui du tout leur dénia, dont sortirent grans batailles

entre luy & leſdictz enfans. Toutesfoys à la fin, à l'ayde des Gotz, Hongres & Saxons, recouvrèrent & conquirent ſur Méronée grand partie du pays d'Auſtraſie qu'on dit de préſent Lorraine. Leſditz enfans eſtoient nommez Albéron, Regnault & Rancheire, deſquelz ſont yſſus les Brebanſons, Namurois & Henviers. Après doncques que les trois enfans eurent recouvert le pays d'Auſtraſie ſur Méronée, comme dict eſt, Albéron, le ſecond filz de Claudio, gouverna Auſtraſie comme roy & communément ſe tenoit ès foretz où il ſacrifioit aux idolles qu'il appelloit dieux & déeſſes, &, pour renouveler en ſes pays la ſecte de la loy payenne, aſſembla ung grand peuple & feiſt réédifier citez & chasteaulx, comme la cité de Strabourg, la cité de Toul au pays de Lorraine, de laquelle nous traictons, Eſpinal avec les bains de Plumière, qui ſont emprès Eſpinal. Semblablement fait refaire, vers les montz Affaticques, aux dernières foreſtz, pluſieurs

temples & autelz, lesquelz il desdia à ses dieux, & en la forest d'Ardenne feist restablir & refaire l'autel & le chastel de Namur, le temple de Mercure que l'on dict maintenant le chastel Sanson, & plusieurs aultres lieux fors & imprenables, environ l'an de grâce quatre cens cinquante.

La fondation de Tournay.

POUR revenir à nostre narration, iceulx Rommains soubz la conduicte de leur roy Tulus Hostilius aians esté en ce lieu certaine espace de temps, se partirent de leur nouvelle cité de Toul & prindrent leur chemin vers la cité de Belges, & par la licence & congié du roy & de ceulx de la cité, leur fut ordonné place pour loger leur ost en ung très gracieux & plaissant lieu, sur la rivière de l'Escault, où il se logèrent & fondèrent une cité, laquelle ilz appellèrent Hostille pour le furnom de leur roy, & depuis ce temps elle fut appellé Nerves & à présent Tournay, comme je diray ci-après.

Les chroniques de Tournay, au contraire, dient que Tarquin Prisque, sixiesme roy de Romme, fonda la citté de Tournay, que les

Romains appellèrent la petite Romme, de laquelle les murs furent très puissans & les portes très fortes, les palais très grans & très haultz eslevez, & fut si sumptueuse & si excellentement fondée qu'elle excédoit & furmontoit en force, beaulté & richesse toutes les citez de Gaule. Après la mort de Tarquinius succéda à l'empire Servius, VI roy des Rommains, lequel pour cause que ceulx de la petite Romme luy dénioient les tributz à eulx payés par ceulx de Gaule qui devoient rendre à Romme, assiégea avec grosse puissance celle petite Romme, laquelle il print & mist à destruction & furent tous les citoyens occis & la cité inhabitée. Après les Rommains otroians paix & confédération avec ceulx de la petite Romme, leur permirent réédifier leur cité par telle condition que plus elle ne feroit appelée la petite Romme, mais Hostille, qui vault autant à dire comme ennemye pour cause de leur rébellion.

Lucius de Tongres & Hugues de Toul traictent encore d'une aultre destruction de la cité d'Hostille faicte par Blandinus, duc de Belges, au temps que Tarquin-l'Orgueilleux chassé de Romme la gouvernoit, & dient iceulx autheurs que ceste prinse & destruction fut si cruelle que riens n'y demoura, & fut par les Belgiens abatue à rez de terre, & les citoiens fuyans l'occision se retirèrent ès forestz de ce lieu prochaines.

Après la mort de Blandinus, par laps de temps, succéda au royaume de Belges Vualacrin, lequel, comme tyran, au commencement de son règne, envoya & mit en exil toute la lignée royale & les nobles de Belges, lesquels absens & fugitifs se tirèrent près du temple de Minerve, & là réédifièrent au lieu où avoit esté jadis Hostille, une noble & forte cité qu'ilz nommèrent Nerves, à cause de leur idole dicte Minerve. Mais l'histoire de Tournay dit que ce fut à cause

du roy Servius dont elle fut premièrement vaincue & déserte, car de Serva, *S* muée en *N* fait Nerva. Aultrement dict Henry de Tournay que du temps de Eléazar, roy des Juifz, plusieurs gens bannis & fugitifz qui s'estoient mufsez & retirez dedans les forestz (comme j'ay dict cy-dessus), réédifièrent la cité d'Hostille & la fermèrent de bons murs, tours & portes puissantes. Laquelle ainsi réédifiée luy ostèrent le nom d'Hostille & l'appellèrent Nerves, pour ce qu'elle avoit esté forte comme ung nerf & tenable contre les Rommains.

De rechief dict Jacques de Guise que la cité d'Hostille dicte Nerves, après longues batailles, fut par Julius César destruite & totalement désemparee, & longtemps après ung duc nommé Galba la feist réédifier & restabli & decreta & ordonna qu'elle feroit appelée Tournay.

D'opinion contraire est Jehan Le Maire, disant ainsi : « Le premier an de l'empereur

Néron, Tournay, qui premièrement s'appelloit Hostilia, & depuis Nervia, fut rétablie & restaurée par ung duc nommé Tornus, de nation Troyenne, & de son nom fut Tournay appelée.

La fondation du Traict.

JACQUES de Guise récite en ses Illustrations que Servius, fixiesme roy des Rommains, qui regna au temps de Sédéchias, roy des Juifz, voulant faire guerre à iceulx Rommains s'allia des estrangers Panoniens, Huns, Hiftriens & aultres, & passant par Gaule pour aller à Romme feist plusieurs dommages à ceulx de Belges, prindrent la ville de Tongres qu'ilz pillèrent. Après, arrestez en Gaule belgique, édifièrent plusieurs citez, dont Lucius de Tongres faict mention, & entre les aultres fondèrent la cité du Traict, la haulte & la basse, sur la rivière de Meuse.

La fondation de Huy.

CAMBRO, duc des Huns, comme récite lediçt Lucius de Tongres, estant de la compaignie dudiçt roy Servius, fonda pareillement, sur ladiçte rivière de Meuse, une très forte cité qu'il appella du nom des Huns *Hoynim*, & est ainsi appelée jusques aujourd'huy, c'est celle que nous disons Huy. Mais Jehan Le Maire diçt au contraire qu'elle fut édifiée par ung noble homme du pays nommé Hoys, qui de son nom ainsi l'appella, quinze ans avant la nativité de Nostre Sauveur & Rédempteur Jéfu-Christ, auquel an nasquit la Vierge Marie.

La fondation de Serves.

ICELLUY Servius, fixiesme roy des Romains, allié des estrangers dessus nommez (selon le récit de Jacques de Guise), vint assiéger la cité de Belges, & en ce pays fist deffricher une place toute pleine de boys & haultes foretz, en laquelle il fonda une grande cité que de son nom il appella Serves, laquelle il eut tousjours en grant estime.

La fondation de Mons en Henault.

C'EULX de l'ost pour mieulx appercevoir les citez de Belges, Serves & les cir-convoisines, semblablement pour mieulx estre fortifiez en cas de nécessité, establirent leurs tentes & pavillons sur ung mont près la rivière de Hayne, en ung lieu fermé de grans bois & paluz, auquel lieu ilz édifièrent ung temple à l'honneur de Pan, dieu des bergiers, qu'ilz adoroient. A ceste cause, par longue espace de temps, fut appelé ce territoire Pannonia ou Propantia, & fut ce temple de très grant renommée jusques au temps de Julius César, qui l'idole destruisit & du temple feist faire ung chasteau duquel, par laps de temps, a esté depuis faicte une cité qu'on nomme de présent Mons en Henault.

La fondation de Cambray.

C E peuple pour mieulx assiéger la cité de Belges firent plusieurs fortifications pour eulx mettre à sauve-té, & entre les aultres Cambro, duc des Huns, capitaine soubz Servius, feist fonder une très puissante cité pour luy & son peuple retirer, si bon leur sembloit, laquelle cité ilz appellèrent Cambre. Or ne déclaire l'histoire si ce fut la cité que maintenant on appelle Cambray, ou si c'est le Chasteau en Cambresis, mais l'histoire contient que le roy Servius, durant le siège de Belges, fist édifier ung chasteau de plaissance près la cité de Cambre, qu'il appella de son nom *Servium*, & cuident plusieurs que c'est le chasteau de Selles près Cambray, qui, pour l'antiquité du temps, est ainsi muée du nom, & par ce on conclud

que la cité que Cambro fonda est la cité de Cambray. Toutesfois en l'histoire de Bretagne se trouve que Cambray, roy de Bretagne jadis en Gaule, fonda une cité laquelle de son nom il appella Cambrayn, & pour ce, quelque chose qui en soit, je laisse la détermination aux lecteurs, sauf l'opinion de Jehan Le Maire, qui dit que Cambray retient & porte le nom de Camber, roy des Cimbres, Tongrois & Belgiens.

La fondation de Dinant.

ENVIRON l'an du monde troys mil cinq cens vingt, les Condroniens & les Ruthéniers, que nous difons Flamens, envahirent une manière de gens estranges habitans en ung lieu appellé le territoire de la déesse Diane & les occirent & destruisirent avec leur cité, qui estoit assise en une forest qu'on appelloit la forest du Faigne; le résidu duquel peuple, comme dict Lucius de Tongres, fonda une cité sur la rivière de Meuse, qui, à cause de la déesse Diane, ilz appellèrent *Dionacum*, qui estoit le propre nom de leur ancienne cité, & maintenant on l'appelle Dinant près du Liège. Leur vivre estoit du fruit d'arbres, d'herbes & de feuilles, leur menger estoit tout creu & non cuit. Les anciens se vestoyent de peaulx de bestes, & les jeunes & moyens d'aage estoient tous nudz.

La fondation de Soissons.

EN l'an de la fondation de Romme trois cens quinze, Brenus, aultrement dict Belinus, & Brennius, roys d'Angleterre, ducz & capitaine de ceulx de Sens, conclurent d'envahir & guerroyer les Gaules, & leurs batailles ordonnées délibèrent d'assaillir les Belgiens, lesquelz contré eulx levèrent une armée, & s'assemblèrent les deux batailles des deux costez de la rivière d'Aufferre, qui par long temps se défendirent & résistèrent les uns contre les aultres. En cest estrit Brennius avec les Senonenfiens fonda, près de la dicte rivière, ung chasteau qu'il appella *Sessio Senonenfium*, qui vault autant à dire comme la session des Sénonenfiens, & maintenant est dict & appelé Soissons. De celle mesme partie de la rivière fonda, sur

ung petit fleuve qu'on appelloit Vieille, ung
aultre chasteau qu'on appelle jusques aujour-
d'huy Braine, du nom dudiſt Brennius.

La fondation de Valentiennes.

C'EULX de Sens après avoir eu bataille contre les Belgiens, qui tousjours reculoient, passèrent la rivière de Somme, & pourchassans leurs ennemis, lesquelz ilz vouloient assiéger en leur cité de Belges, vindrent sur la rivière de l'Escault, en certains paluz & bas pays, au milieu desquelz avoit plusieurs isles, par le moyen desquelles proposèrent faire grandz dommages ausditz Belgiens; & pour en ce lieu avoir mieulx leurs recours, fondèrent une forte place environnée de tours & de portes qu'ilz fortifièrent. Et trouvant en ceste place (qui estoit une vallée), plusieurs cignes s'esbatans & chantans, l'appellèrent le Val des Cignes, & maintenant on le nomme Vallentiennes par langage corrompu.

Jehan Le Maire , en son troiefme livre, récite tout autrement & dit que peu de temps paravant que Jules Céfar descendit en Gaule , régnoit Godeffroy Karle , roy des Cimbres & de Tongres. Celluy Godeffroy eut ung filz nommé Charles Ynach, lequel il chaffa & bannit de fa préfence & de fon royaulme, pour ce qu'il avoit ufé de force envers une fille dédiée à la déeffe Vesta, tellement que lediét Charles Ynach contraint de partir des pays de pardeça, fe retira à Romme, & depuis fut chevalier de Lucus Julius, proconful d'Archadie, père de Julius Céfar. Or avoit lediét Lucius deux filles, l'une nommée Julia de la mefme mère dudiét Julius Céfar, la feconde nommée Germanie, laquelle il avoit eue d'une très noble dame dudiét pays d'Archadie. D'icelle Germaine devint très amoureux Charles Ynach, lequel feift tant qu'il la rendit enceinte; mais craignant que la chofe vint à lumière, après qui luy eust conté comment

il estoit filz de roy, luy persuada de laisser son père & sa mère & qu'en son pays la meneroit; à quoy elle s'accorda. Leurs bagues troussées & sortans d'Archadie feirent tant par leurs journées, après longs voyages, qu'ilz arrivèrent à Cambray, de Cambray tirèrent oultre & vindrent jusques à une place qui pour lors se nommoit le chasteau de Sefnes, lequel comme on peut conjecturer estoit celluy que ceux de Sens avoient edifié, comme j'ay dict, & ainsi est-il vray semblable. Lors se reposèrent & rafraichirent près ce chasteau, en une vallée sur une plaifante rivière en laquelle nageoient plusieurs cignes, contre lesquels l'ung des valets bendant son arc tira une fiesche; mais l'ung desdictz cignes évitant le coup & volant tout effrayé se vint rendre au giron de la belle Germaine, dont elle fut joyeuse pour la nouveauté du cas. Et en prenant bonne signification d'icelluy (pour ce qu'au temps passé le cigne estoit dédié à la déesse

Vénus, de laquelle estoit descendue par Eneas, filz d'icelle Vénus & d'Anchises de Troye), demanda à Charles Ynach, son mary, comment tel oyseau estoit nommé en son langaige, & il respondit qu'on le nommoit Suvane en langue Thioise; lors dist qu'elle vouloit désormais estre ainsi appelée & non plus Germaine, de paour qu'elle ne fust recongneue quelques foys au moyen dudiect nom; & à cause d'icelle adventure & de la multitude des cignes lediect lieu fut dès lors appelé de Val-aux-Cignes, lequel de présent on appelle Valentiennes, qui est une cité assise sur la rivière de l'Escault; puis feist emporter avec elle lediect cigne & le nourrir & garder soigneusement. Et fust icelle Suvane mère de Octavian, roy de Coloigne, duquel est faicte mention en la fondation d'icelle cité.

La fondation de Sebourg.

REVENANT à nostre propos que cy-devant nous avons laissé en ensuyvant Hugues de Toul & Jacques de Guise, après la fondation de Valentiennes faite par les Senonenfiens, ilz approchèrent leur ost de la cité de Belges & fondèrent ung bourg auprès d'ung petit fleuve, lequel ilz appellèrent *Burgon Senonenfium*, c'est à dire le Bourg des Sénonenfiens, & maintenant on le nomme Sebourg, & là se vendoient les choses nécessaires à l'ost des Sénonenfiens.

— — —

La fondation de Bruxelles.

CES choses ainsi faictes, à la fin les Senonenfiens s'accordèrent aux Belgiens; après lequel accord bataillèrent contre les Ménapiens, que maintenant nous disons Gueldrois, desquelz lefditz Sénonenfiens furent vaincueurs. Et après qu'ilz les eurent desconfitz ilz se partirent de celle place & fondèrent en ceste marche ung très puissant & fort chasteau pour y avoir leur refuge, si quelque nécessité les contraignoit, lequel chasteau ilz appellèrent en latin *Bourgongenium* & maintenant on le nomme Bruxelles, & la rivière qui prent là son cours nommèrent *Senonam* ou *Secanam*, qui est le fleuve de Seine. Et ceste contrée ainsi par eulx conquistée, qui paravant estoit nommée Réthienne, ilz l'appellèrent Brabant, à l'oc-

caſion des deux premières ſyllabes des noms de leurs ducz Brenus & Brennius , comme diſt Jacques de Guife, combien que Jehan Le Maire die qu'elle fut ainſi appellée du nom de Salvius Brabon , premier duc de Brabant, époux de Suvane, fille de Charles Ynach & de Suvane, feur de Jules Céſar, dont nous avons parlé cy-deſſus.

La fondation de Amiens.

APRÈS la mort du roy Alexandre de Macédone qui tout le monde conquist, plusieurs fouldardz, chevaliers, capitaines & aultres gens de guerre très expertz aux armes estans vacabons & sans seigneur, désirans trouver aucun lieu pour habiter & demourer, proposèrent & délibérèrent entre eulx d'eslire ung duc sur eulx qui les gouverneroit & conduiroit en quelque estrange contrée; lequel propos sortit en effect, & esleurent ung preux & vaillant homme nommé Picgnon, lequel instituèrent leur seigneur & maistre, luy promectans foy, loyauté & obéissance. Prenans après & occupans les navires du roy Alexandre sur la mer montèrent & navigèrent par si long espace de temps qu'ilz arrivèrent &

prindrent terre au port de Neustrie qu'on dit Normandie. Lors ordonnèrent leurs batailles en la forme & manière qu'ilz faisoient du temps du roy Alexandre, sur lesquels toujours estoit Pignon le souverain, par l'ordonnance duquel ilz se mirent à conquister pays, mesmement les portz de Neustrie. Semblablement subjuguèrent à leur obéissance les Belvacensiens Gaulois, auquel pays & seigneurie ilz fondèrent ung très fort chasteau qu'ilz appellèrent Pignon, luy imposant le nom de leur duc, lequel chasteau on dit à présent Picquegny, & là se retirèrent envahissans la basse Gaule par longtemps. Et ainsi ilz se multiplièrent tant qu'ilz s'avisèrent de trouver & quérir une place plus grande & spacieuse que celle où ilz se tenoient. La place trouvée, située entre les ruisseaulx d'une rivière par devers Tours, proposèrent de faire ung chasteau de plusieurs mansions que les divers ruisseaulx & rivaiges environneroient & de tous ensemble

feroient une cité cloſe & fermée de portes & de tours pour réſiſter à l'encontre de leurs ennemys, & ainſi le feirent, la nommant (pour l'ambition, c'eſt à dire pour la cir-
cuitiion des eaux) Ambrienne, & mainte-
nant on la nomme Amiens, comme diſt
Jacques de Guiſe. Laquelle ilz fortiſièrent,
& tellement la peuplèrent en force de gens
& puiſſance, que par leur valeur & force
ilz ſubmirent à leur ſeigneurie une très
grande partie des Gaulois & Rommains qui
habitoient en la baſſe Gaule, laquelle partie
eſt à préſent appelée Picardie, à cauſe de
Picgnon, leur duc, & les gens de la terre
auſſi ſont nommés Picards, à quoy s'accorde
Bartholomy Langloys, en ſon Propriétaire,
ou livre des Régions.

La fondation de Anvers.

J. EAN Le Maire récite que Julius César estant en Gaule, environ cinquante ans devant la nativité Nostre Seigneur, régnoit ung merveilleux géant nommé Druon, de la haulteur de quinze coudées, plein de cruauté & tyrannie, lequel se tenoit sur le rivaige de la rivière de l'Escaut, en ung fort chasteau situé en ung maretz par luy édifié, & contraignoit celluy géant tous les passans par ladicte rivière de laisser la juste moytié de tous leurs biens & marchandises, & s'il y avoit aulcune faulte le tout estoit confisqué, & avoit le marchand ou voyturier une main couppee, parquoy le lieu s'appelloit Hau-verp, c'est à dire laisse main; maintenant & par succession de temps nous le nommons Anvers. Celluy horrible & criminel géant

fut deffaict & occis par ung des chevaliers de Céſar, & juſques aujourd'huy monſtrent ceulx d'Anvers les os dudiſt géant, leur premier fondateur. Et encores pour attestation de l'antiquité d'icelle ville, ilz monſtrent la représentation du dieu Priapus en une vieille porte près du marché au poiſſon, diſans que jadis il fut adoré en icelle ville d'Anvers, & de là vient, par ancienne couſtume, que les femmes dudiſt pays, en toutes exclamations ſoubdaines appellent Tiers, c'eſt à dire Priapus en langue Thioiſe ou Theutonique.

La fondation de Grave.

DE rechief diët l'auteur dessus nommé que le chevalier vainqueur de Druon, le géant, estoit nommé Gravius, lequel se maria à la fille d'ung noble duc dudiët pays, de laquelle il eut ung filz aussi nommé Gravius, homme très expert & enseigné aux armes. Celluy second Gravius fonda la ville de Grave sur la rivière de Meuse.

*La fondation de Gand, Courtray
& aultres.*

JULIUS César dessus nommé, par le tesmoi-
gnage du dessus dit autheur, après la
conqueste des Gaules résidant en la partie
Belgicque, fonda, sur le mont Blandin, une
ville nommée Gaia de son nom, laquelle se
dit maintenant Gand, & édifia à Tourhout
une forte tour; & donna ledi&t César à ung
sien chevalier nommé Gaius Falcius ladi&te
ville de Gand & Anvers, & tous aultres
chasteaulx situez sur la riviere de l'Escault.

Jacques de Guise, dit qu'on mantient
celle ville de Gand estre fondée par le dessus
dit Gaius. Aultres ont di&t qu'elle fut fondée
par Gaius Caligula, empereur rommain, &
que depuys elle fut nommée Vuand par les
Vuandalles qui la tindrent, & qu'en mutation
de *Vu* en *G*, on l'appelle Gand; mais Jehan

Bouchet, en ses Annalles d'Acquitaine, sur la vie du roy Charles-le-Chauve, assez brièvement dit que Adrac, tiers forestier de Flandres & père de Bauldoin, premier comte de Flandres, édifia Gand, Courtray, Audenarde & Caffelet.

Fondation de Couloigne.

ENVIRON le temps de l'incarnation Nostre-Seigneur Jésus-Christ, comme récite l'auteur de *Fasciculus temporum*, Marcus Agrippa, gendre de César Octovian Auguste, second empereur de Romme, fonda, sur le fleuve du Rhin, en Germanie, en la dernière partie de Gaule belgique, une cité très fameuse, laquelle de son nom appella Agrippine, qui de présent est nommée Couloigne; toutes foyz dict Jehan Le Maire, en son livre de France Orientalle & Occidentalle, que Julius César estant ès Gaules donna à Octovian, son nepveu (non pas celluy qui fut empereur), filz de sa seur Suvanne Germaine, & de Charles Ynach, duc de Tongres, le royaulme de Agrippine qu'on dit maintenant Couloigne-sur-le-Rhin, soubz le titre

duquel estoit contenue toute la terre depuis Velve jusques à Lisle & Moselle & jusques aux limites de Trèves & à la rivière de Meuse & aux confins ou la Sambre entre dedans Meuse, avec toute la terre qui gist entre Meuse & Jace, lequel royaume du nom de la dicte Germaine fut appellé Germanie, qui de présent on dit Allemaigne, non obstant qui soit en Gaule belgique. Et fut cecy faict, comme allégue ledict autheur, l'an devant la Nativité Nostre Seigneur cinquante & ung. Selon laquelle autorité Couloigne auroit esté édifiée longtemps devant Octovian César, à quoy s'accorde frère Jacques de Guise, en ses Illustrations, qui dict que la cité de Agrippine fut prinse & destruite par Servius, VI roi des Rommains, quant il vint faire guerre à ceulx de Belges, lequel fut long temps devant ledict Octovian César; ce que semble avoir affermé frère Amand de Zierxea, en sa chronicque, disant que Couloigne fut premièrement appellée

Agrippine, de Agrippa, filz de Theuto, successivement descendu de Francion, filz de Hector de Troye, longtemps par avant icelluy empereur Octovian; ce que dit aussi Jehan Le Maire, par quoy j'en remetz la difficulté & jugement aux lecteurs.

La fondation de Juilliers.

ENTRE le fleuve du Rhin & la Meuse est assise la ville de Juilliers, laquelle fut fondée par Julius, tiers duc de Brabant, filz de Charles Brabon descendu de Francius, roy de Sicambrie, lequel commença à régner environ l'an de salut quinze, & régna soixante neuf ans. Et est ceste cité appelée pour le présent Juliac.

La fondation de Aix en Gaule.

RÉGNANT celluy Julius & estant Néron empereur à Romme, Anthoine, sénateur & tribun du peuple Rommain, & Granus avec plusieurs Rommains fuyans la tyrannie dudi& N&ron, vindrent à refuge vers ledi&t Julius, duquel ilz emp&tr&rent auctorit& & territoire pour fonder places.

Granus avec ses compaignons se transporta aux extr&mit& de la grant forest d'Ardenne, en ung lieu fort secret & folitaire, & trouvant aucunes belles fontaines d'eau& chaude & sulphur&e, pr& de ce lieu fonda ung grant palays o& il se tint, lequel lieu jusques aujourd'huy est appell&e *Aquisgranum*, c'est à dire les eaux de Granus. Et fut aupr&s d'icelluy palais fond&e par Charlemaigne une cit& qui maintenant se nomme Aix-la-

Chappelle, en laquelle, dans une chappelle Notre-Dame par luy édifiée, il gift. Et en ce lieu reçoit l'empereur sa première couronne.

La fondation de Utreth.

ANTHOINE, compaignon dudiect Granus, tira d'ung aultre cousté, c'est à sçavoir au pays qui maintenant s'appelle Helande, sur le fleuve du Rhin, où il fonda une forte place qu'il appella de son nom *Anthonia*, qui depuis fut dicté Vuiltembourg, & maintenant on l'appelle Utreth. Et furent ces choses faictes, selon Jehan Le Maire, ung peu après la Passion Nostre-Seigneur Jésus-Christ. Frère Amand de Zierxea dit que c'est la cité du Traict-la-basse, laquelle fut ainsi nommée des citoyens exillez de la cité du Traict-la-haute, du temps de Dangobert, roy de France.

La fondation de Genefve.

GENEVE (comme récite le dessus diſt Jehan Le Maire, en ſon livre des Scifmes & au tiers de ſes Illuſtrations), fut fondée ſur le lac, en Savoie, par Valerius Aurelianus, natif de Dalmace, trente deuxiefme empereur des Rommains, duquel le règne commença, ſelon Vincent, l'an de ſalut deux cens foixante & treize. Et au commencement porta ceſte cité le nom du-diſt empereur & depuys a eſté Genefve appellée.

La fondation de Audenarde.

Au temps de l'empereur Honorius, environ l'an quatre cens & douze, Alarich, roy des Vuifegotz, cherchant pays & terre pour habiter par la permission du dict empereur, entra és Gaules & vint en Aquitaine, qu'il subjuga & vainquit; puis entra en la forest Charbonnière qu'on dit maintenant Flandres, & dressa son armée contre la ville de Gand, laquelle par plusieurs fois ilz assaillirent; mais par la resistance de ceulx de dedans ne la peurent prendre. Quoy voyans, affin de plus seurement demourer audict pays, édifièrent deux forteresses : la première à dextre, sur la rivière de Teure, & l'autre à fenestre, sur le fleuve de l'Escault, & leur donnèrent le nom de leur roy, les nommans Allard sur l'Escault & Allard sur

le Teure, lesquelles on appelle de présent Aloft & l'autre Audenarde, de laquelle est encore faicte mention au chapitre de la cité de Gand.

La fondation de Francfort.

FRANCFORT est une cité oultre le Rhin, en Allemagne, au pays de Franconie, ès limites & fins de Gaule belgique. En ceste cité, qui est très riche & bien marchande, ce faisoit tousjours l'élection des empereurs & roys Rommains. Laquelle cité de Francfort fut construite & fondée par l'empereur Charles-le-Grand, roy de France, comme on peult conjecturer par les vers qui s'ensuyvent d'un poète nommé Ligurin Italien, en ung livre qu'il a fait des gestes de l'empereur Frédéric surnommé Barbe-rouffe.

*Conveniunt procures totius viscera regni
Sede satis nota rapidoque proxima Mogo
Clara situ, populoque frequens murisque decora;*

Sed rude nomen habet, nam Theutonius incola
[dixit
•
Franconesfurt, nobis liceat sermone latino
Francorum dixisse vadum, quia Carolus illic
Saxonas indomita nimium feritate rebelles
Oppugnans, rapidi latissima flumina Mogi
Ignoto fregisse vado, mediumque per amnem
Transmisisse suas (neglecto ponte) cohortes,
Creditur inde locis futurum nomen adhefit.

Lefquels vers j'ay translatez en françoys
ainfi qui s'ensuyt :

Celle cité où les princes conviennent,
Qui tout l'honneur de ce règne maintiennent,
Par son siège est de tous assez congneue,
Et par Mogus le fleuve descendue,
Clère en assiste & de peuple habitée,
De murs très fors richement décorée ;
Mais elle a nom assez rude & sauvage,
Car l'Allemand l'appelle en son langage
Francfort ; mais nous, en faisant meilleur choys,

*Nous l'appellons le Passaige aux François ;
Car en ce lieu l'empereur Charlemagne,
Lequel mena son ost en Allemaigne,
En combatant encontre les Saxons,
Gens très cruelz, de sevères façons,
Après avoir rompu le large fleuve
Dont il n'avoit du passaige l'espreuve,
Et qu'au milieu des eaux grandes & fortes
Eust faict passer ses puissantes cohortes
Sans aucun pont, on croit que demouré
Soit en ce lieu leur nom tant honoré.*

La fondation de Compienne.

L'AN huyt cens soixante & seize, Charles-le-Chauve, roy de France & empereur de Romme, feist bastir & édifier la ville de Compienne & fermer de gros & puissants murs à la semblance & façon au plus près qu'il peust de celle de Constantinoble, & la nomma par son nom *Carnopolin*, qu'on dit de présent Compienne, comme dit Nicole Gilles en ses Annales, & y fonda l'abbaye de Nostre-Dame, à présent dicte Sainte Cornille.

LES FONDATIONS DES VILLES ET CITEZ ASSISES
EN LA GAULE D'AQUITAINE.

*S*Y nous avons fait la description
Du bastiment & la fondation
De la pluspart des citez Belgiennes
Dignes d'honneur, de renom anciennes,
C'est bien raison que nostre plume agreffe
Preigne son vol & descripre s'apreste
Les bastimens & les antiquitez
D'une partie & d'aucunes citez
Que tient en foy la Gaule d'Acquitaine,
Province grande & de tous biens très plaine ;
Cela feray suivant l'autorité
De maint autheur remply de vérité,
Faisant la fin de cestuy petit livre
Qu'à tout chascun, pour passer temps, je livre.

La fondation de Narbonne.

A PRÈS avoir esclarcy toutes les constructions des villes de nostre Gaule belgique , il convient traicter en très petit nombre de celles d'Acquitaine, desquelles guères de choses ne se trouvent ; & entre les aultres villes situées en celle partie est la cité de Narbonne située ès limites de Thoulouse. Aucuns l'appellent la province des Rommains, laquelle fut fondée par Harbon, XII roy de Gaule, qui de son nom Harbonne la nomma , & de présent Narbonne est appelée en mutation de H en N, comme meēt frere Jehan Annius de Viterbe, en l'exposition de Béroſe, à quoy s'accorde l'auteur du Rozier de France. Toutesfois Bartholomy Langlois, en son Propriétaire, dit qu'elle est ainſy appelée pour une rivière

qui a nom Nerbo , qui la divise d'Italie d'avec les montaignes de ceste cité. Toute la province circonvoysine est nommée Narbonne, laquelle par les anciens estoit appelée *Gaule la braye*, pour ce que ceulx du pays fouloyent porter longues brayes.

La fondation de Thoulouze.

THOULOUZE située en la Gaule d'Acquitaine près Narbonne, comme dit le chronicqueur de Thoulouze allégant Roderich, archevesque de Tollète, réducteur des Histoires Espaniques, afferme ung nommé Lemosin (lequel descendit de Tubal, filz de Japhet, filz de Noé), avoir esté fondateur de la ville de Thoulouze, au temps de Delbora, prophétise, femme & espouze de Lapidoch; qui fut l'an du monde, comme escript Isidore, trois mil neuf cens & seize, au tiers aage du monde. Aultres dient que ce fut d'ung nommé Tholus, descendu de Japhet, accompagné d'ung aultre nommé Ptholomée, lesquels ensemble édifièrent, sur Garonne, en lieu éminent, la ville de Thoulouze, au lieu qu'on dit encores des présent

la vieille Thoulouze. Et oultre Hartinandus Schellet dit, en ses hystoires, avec Boccace, que Thoulouze fut fondée d'ung Troyen nommé Tholofus, auquelz s'accorde Jehan Le Maire disant que celluy Tholofus estoit de la compaignie de Brutus, qui donna le nom à la Grant Bretagne.

La fondation de Poytiers.

JEAN Bouchet descripvant l'origine des Poytevins dict ainsi : « Hercules estant en Espagne & trouvant une Vierge de nature humaine & serpentine (c'est à dire ayant par hault le corps de femme jusques au dessoubz de sa nature génitale, & par le bas estoit serpent), elle engendra trois enfans qu'elle nomma l'ung Scythes, l'autre Agathirfus & le tiers Gelonus, lesquelz parvenus en aage viril, à Scythes bailla l'arc & bauldrier de son père Hercules, & d'icelluy est la nation des Scythes procédée; des aultres deux sont venues deux aultres nations, scavoir est les Agathirfes & les Gelons. Pline & Solinus ont escript que ces Scythes-Agathirfes avoient les cheveux & les faces rouges, à cause du fard dont ilz ufoient, &

que pour cela ilz furent appelez *Picti*, qui en françois signifie *paintz*. Ces Pictes de leurs pays chassés par séditions domestiques vindrent en Angleterre & de la descendirent en Aquitaine, auquel lieu après avoir esté quelque temps vagabonds (devant la destruction de Troye), édifièrent la ville de Poytiers, & fut par eulx nommée *Pictavis* en latin, c'est a dire force paincte, & les habitans pour leur nom ancien s'appellèrent *Pictavis*, qu'on dit de présent Poytevin, à quoy s'accorde Isidore, au premier chapitre du XV^e livre de ses Ethimologies, & appellèrent la province Poytou, de laquelle fait mention César en ses Commentaires. » Plusieurs aultres opinions sont récitées de la construction de cette cité, comme Bouchet racompte, lequel affirme ceste-cy pour la plus certaine & véritable.

*La fondation de Cornoailles en Bretaignes
& aultres*

APRÈS la destruction de Troye, comme récite Johannes Monumetenfis en sa chronique de Bretagne, Enéas se rendit fugitif en Italie avec Ascanius son filz, & fut roy des Latins. De Ascanius vint Silvius Posthumius, & de Silvius vint Brutus ; lequel Brutus par cas fortuit & sans malice occist son père Silvius en chassant aux grosses bêtes, au moyen de quoy s'absenta, se retirant vers les Troyens succeffeurs d'Hele-nus, & espousa la fille du roy Pandrasus, nommée Inogen, avec laquelle & plusieurs Troyens, soubz luy retirez, se partit du pays de Grèce &, navigant avec plusieurs navires, au pays de Gaule arriva, en la petite Bretagne qu'on disoit Armoricque, avant laquelle venue il avoit trouvé quatre navires

de Troyens fugitifz vogans sur la mer, desquels estoit conducteur ung prince nommé Corineus, avec lequel (parce qu'ilz estoient tous d'ung pays), s'allia & ensemble descendirent en grosse multitude de peuple ès dictes terres armoricques qu'ilz conquirent sans résistance & y demourèrent ung an ou deux ; pendant lequel temps Corineus, duc & prince d'une bande des dictz Troyens, y édificia la cité de Cornoaille, laquelle par aucuns est comptée entre celles de Gaule celticque, & par les aultres en la Gaule d'Acquittaine. Semblablement en celluy pays de Bretagne, tesmoing Jehan Lemaire, Brutus fonda le Croific ou Trioysic, du nom de Troye, & une place qui s'appelle Guerrande.

.

La fondation de Tours

ICEULX Troyens voluntiers se desduisoient à l'exercice de la chasse & chassoient jusques dedans les forestz de Grossarius Protus, roy de Poitou, lequel de ce mal montant, les menassa, leur esmouvant la guerre à l'aide des aultres roys de Gaule ; ce que voyans les Troyens, pour résister aux Gaulois vindrent en Aquitaine conquérans terres & pays, & par ce qu'ilz ne peurent oultre passer à cause de la grande puissance des Gauloys, en ung lieu se parquèrent. Et après l'affault donné à iceulx Troyens fortirent de leur camp contre les Gauloys & combatans les ungs contre les aultres, la meslée fut si grande & cruelle que plusieurs y furent occis d'une part & d'autre ; & entre les aultres Turnus, filz

aîné de Brutus (que plusieurs appellent son nepveu), y fut tué ; toutes foyz pour lors demoura la victoire aux Troyens, & se tindrent quelque temps au dict lieu où Brutus feist édifier une ville qu'il nomma Tours, en mémoire de son filz Turnus, qu'il feist inhumer en ce lieu. Pareillement, selon le récit dudiect Le Maire, celluy Brutus fonda en Aquitaine une aultre cité que de son nom il appella Britannia, puis passant en l'Isle d'Albion, y establit sa résidence & la nomma Bretagne qu'on dit de présent Angleterre.

La fondation de Lusignan

LUSIGNEN, dict l'histoire de Mélusine, est une place très forte assise en Aquitaine, le chasteau duquel lieu fut édifié par ladicte Mélusine, fille du roy Elinas d'Albame, & de Presure, faée, laquelle Mélusine pour ce qu'elle enferma son père par art magique en une montaigne, fut destinée de faire toute sa vie pénitence. C'est à sçavoir que tous les samedis elle seroit serpent se baignant en une fontaine. Ceste faée Mélusine espousa Raimondin, filz du comte de Forestz & nepveu du comte de Poytiers, qui luy avoit donné la terre autour d'une roche tant qu'ung cuir de cerf couppé par des liées courroyes se pourroit estendre; en laquelle terre Mélusine feist bastir ung puissant chasteau qui consiste en trois fortes places, aux deux desquel-

les fault entrer avant que parvenir au donjon ; & sont les trois places environnées de fortes tours machicotées, de portes & haultz murs camellez par grand artifice. Quant ce chasteau fut faiçt elle feist ung convy & feste où se trouva le comte de Poytiers & sa barronnie ; en laquelle feste, par le commun accord & consentement de tous, elle nomma le chasteau Lusignen à cause de son nom ; autour duquel chasteau plusieurs gens du pays édifièrent maisons & habitations dont fut faicte une belle ville maintenant appelée Lusignen, assise en la comté de Poitou. De ceste dame feist mention son histoire ; en laquelle on pourra veoir la vie & fin d'icelle, avec sa génération & comment elle faisoit pénitence tous les samedis en forme de serpent. Toutes foyz Jean Bouchet, en ses Annales d'Acquitaine, ignore ceste histoire & dit qu'il est vraysemblable que ladiçte Mélusie print son nom des chasteaulx de Lusignen & de Melle dont elle estoit dame.

Ballade de la louenge des villes.

QUOY que l'on donne à Lyon grand loenge
Pour sa beaulté & sa grande richesse,
Pour ce qu'aussy dedans elle se renge
La marchandise à plante & largesse;
Quoy que l'on donne à Authun la noblesse
D'antiquité, à Sens pareillement,
Dont les bourgeois dans Romme fièrement
Ont assailly capitolle & prétoire,
Cela n'est riens, car véritablement
Paris obtient sur tout l'honneur & gloire.

Quoy que Rouen soit en honneur & pris
Pour le beau train de toute marchandise;
Quoy que Orléans ait dedans son pourpris
La faculté d'humaines loix acquise;
Quoy qu'en Louvain astrologie est quise,
Quoy que Magonce & Trèves la Belgicque
Soient en honneur pour leur temps très antique,
Quoy que d'Angiers ont compte mainte histoire,
Quoy que Poytiers soit ville magnificque,
Paris obtient sur tout l'honneur & gloire.

*Quoy qu'Amiens soit fleur de Picardie,
Quoy que Anvers soit en ung bon port de mer,
Quoy que Coustance ait bruyt en Normandie,
Quoy que de mainctz Manthes se face aymer,
Quoy qu'on ne veit jamais Reims diffamée,
Quoy que Thoulouze ait renom de science,
Quoy que Dijon ait grand prééminence
Sur Bourguignons & que le confsloire
Du parlement y face résidence,
Paris obtient sur tout honneur & gloire.*

*Prince, je dy, quoy qu'on die de Tours,
Où dames sont en leurs braves atours,
Quoque d'Auxerre on face grand mémoire,
Quoy qu'il en soit de chasteaulx ou de tours,
Paris obtient sur tout l'honneur & gloire.*

Plus que moins.

•

,

.

|

TABLE DU PREMIER LIVRE

INTITULÉ

LES ANTIQUES ÉRECTIONS

DES GAULES


	Pages.
DÉDICACE	3
PROLOGUE DE L'AUTHEUR	7
Les fondations des villes & cités assises en la	
Gaule celtique	15
Aux générosiffimes & illustres François . .	21
La fondation de Sens	22
La fondation d'Authun	26
La fondation de Rouen	31
La fondation d'Angers	33
La fondation de Dreux	37
La fondation de Lyon	38
La fondation de Valence & Romans . . .	41
La fondation de Paris	43
La fondation de Nanthes	46
La fondation de Marseille	47

	Pages.
La fondation de Nice	50
La fondation d'Auxerre	51
La fondation de Constances	53
La fondation de Dijon	54
La fondation d'Orléans	56
La fondation de Grenoble	57
La fondation des villes & cités assises en la Gaule belgique	59
La fondation de Trèves	60
La fondation de Langres	63
La fondation de Beauvais	64
La fondation de Belges	65
La fondation de Tongres	70
La fondation de Metz	72
La fondation de Théroouenne	73
La fondation de Clermont	74
La fondation de Magunce	75
La fondation de Phorcen	76
La fondation de Louvain	77
La fondation de Bonne & Zanthès	79
La fondation de Reims	81
La fondation de Toul	84
La fondation de Tournay	88
La fondation de Traict	93
La fondation de Huy	94

	Pages.
La fondation de Serves	95
La fondation de Monfen-Henault.	96
La fondation de Cambray	97
La fondation de Dinant	99
La fondation de Soiffons	101
La fondation de Valenciennes	102
La fondation de Sebourg	106
La fondation de Bruxelles	107
La fondation d'Amiens	109
La fondation d'Anvers	112
La fondation de Grave	114
La fondation de Gand, Courtray & autres .	115
La fondation de Couloigne	117
La fondation de Julliers	120
La fondation d'Aix en Gaule	121
La fondation de Utreth	123
La fondation de Genevve	124
La fondation de Audenarde	125
La fondation de Francfort	127
La fondation de Compienne	130
La fondation des villes & cités affises en la Gaule d'Aquitaine	131
La fondation de Narbonne.	132
La fondation de Thoulouse.	134
La fondation de Poitiers.	136

	Pages.
La fondation de Cornoailles en Bretagne .	138
La fondation de Tours	140
La fondation de Lufignen	142
Ballade de la louenge des villes	144





COLLECTION LYONNAISE

EN VENTE

A la librairie Henri Georg, rue de la République, 65

- N° 1. — SUPPLIÉ DE CINQ MARS ET DE DE THOU, décapités à Lyon, sur la place des Terreaux, le 12 septembre 1642. *Relation d'un témoin oculaire.* — 5 feuilles in-8° tellière.
- N° 2. — DESTRUCTION DE L'ÉGLISE DE SAINT-JUST, du Cloître & de partie du Faubourg par les Protestants, en 1562. Enquête & procès-verbaux. — 6 feuilles in-8° tellière.
- N° 3. — L'ANTIQUITÉ, L'ÉTABLISSEMENT, LE LUSTRE, LE BIEN SPIRITUEL ET LE TEMPOREL DE LA ROYALE ABBAYE DE SAINT-PIERRE DE LYON, avec les merveilles de la Providence, les changements & les divers accidents que l'on y a vus, par J. de Saint-Aubin. — 4 feuilles & demie in-8° tellière.
- N° 4. — CHRONIQUE DE LA MAISON DE BEAUJEU, publiée d'après le manuscrit unique de la Bibliothèque nationale & suivie du tableau généalogique de la famille de Beaujeu. — 5 feuilles in-8° tellière.
- N° 5. — LES ANTIQUITÉS ET LA FONDATION DE LA MÉTROPOLE DES GAULES, ou de l'Eglise de Lyon & de ses Chapelles, avec les Epitaphes que le temps y a religieusement conservé, par le S^r de Quincarnon. — 9 feuilles in-8° tellière.
- N° 6. — NOMBRE DES ÉGLISES QUI SONT DANS L'ENCLOS ET DÉPENDANCES DE LA VILLE DE LYON, avec une exacte recherche du temps & par qui elles y ont été fondées, par Isaac Le Febvre, lyonnais, 1627. — 6 feuilles & demie in-8° tellière.
- N° 7. — BRÈVE HISTOIRE DE L'ABBAYE DE L'ÎLE-BARBE, par M^{re} Bezian Arroy, docteur de Sorbonne & Théologal de Lyon. — 13 feuilles in-8° tellière.

Sous presse :

- N° 9. — CATALOGUE DES ANTIQUES ÉRECTIONS DES VILLES, CITÉS, FLEUVES & FONTAINES ASSISES ÈS TROIS GAULES, par Gilles Corrozet, parisien, & Claude Champier, lyonnais. — 2^{me} partie 7 feuilles in-8° tellière.

361- 8910

COLLECTION LYONNAISE

N° 9

CATALOGUE
DES ANTIQUES ÉRECTIONS
DES VILLES

Cités, Fleuves & Fontaines

ASSISES ÈS TROIS GAULES

PAR

GILLES CORROZET, Parisien

ET

CLAUDE CHAMPIER, Lyonnais

DEUXIÈME PARTIE



LYON

HENRY GEORG, LIBRAIRE-ÉDITEUR

65, rue de la République, 65

1882

François le...
312




Figure 2

CATALOGUE
DES ANTIQUES ÉRECTIONS
DES
VILLES DES GAULES

**La *Collection Lyonnaise* est tirée à 100 exemplaires
dont 82 pour le commerce,**

SAVOIR :

Papier Hollande	60
Papier teinté.....	20
Papier Chine.....	2

COLLECTION LYONNAISE

N^o 9

CATALOGUE
DES ANTIQUES ÉRECTIONS
DES VILLES

Cités, Fleuves & Fontaines

ASSISES ÈS TROIS GAULES

PAR

GILLES CORROZET, Parisien

ET

CLAUDE CHAMPIER, Lyonnais

DEUXIÈME PARTIE



LYON

HENRY GEORG, LIBRAIRE-ÉDITEUR

65, rue de la République, 65

1882

IMPRIMERIE MOUGIN-RUSAND

3, rue Stella, 3

S'ENSUIT LE SECOND LIVRE
DES
SINGULARITÉS
DES GAULES

CONTENANT LES

*Citez, Fleuves, Fontaines chaudes & froides
& les Lieux sainctz & aultres merveilles*

composé


Par CLAUDE CHAMPIER

Lyonnois.





PRÉFACE

OMBIEN que Gilles Corrozet ait, pour la difficulté de l'histoire, délaissé la description de plusieurs cités au livre qu'il a faict des antiques érections des Gaules, ce néantmoins ay bien voulu adjouster audict livre, par forme d'appendice, lesdictes cités omises. Mais si d'aventure je ne suis veu satisfaire entièrement & que rien ou peu des premiers fondateurs touche, me semble ce nonobstant quelque peu les avoir

retiré de ténèbres en plain jour & lumière, & cuide que leſdictes cités de mes peines & labeurs m'en ſcauront aulcun bon gré, meſmement ſi on vient à conſidérer que j'ay autant mis de ſolicitude à chercher quelz furent leurs diſs premiers autheurs qu'a eſté poſſible. Parquoy ſi le fruit n'eſt trouvé eſgal à mes labeurs, impute le (humain lecteur), ou à la oſcitantance & pareſſe des premiers historiographes ou aux Gaulois meſmes, qui ont eſté du commencement plus ſtudieux des armes que des bonnes lettres, leſquelles quaſi comme inutiles & ocieuſes ilz eſtimoient.



A très-noble

& très illustre prince, Monsieur François de Lorraine, marquis du Pont-à-Mofon, premier enfant de très hault prince monsieur le duc de Lorraine & de Bar, Claude Champier salut avec renommée immortelle.




la louenge & exaltation & gloire éternelle du souverain largiteur de toutes grâces, & conséquemment à l'honneur & prééminence de la nation gallicane, dont, très illustre Prince, par origine avés print commencement, par lignée masculine issant de la

Gaule belgique, & par féminine iſſant de la Celtique ou Lyonnoïſe, laquelle nation domine aujourd' huy ſur pluſieurs aultres provinces, c'eſt aſſavoir Allobroges & Armoriques que à préſent diſons Bretagne, toutes fois la Gallicane eſt la plus élégante congneue & uſitée, de laquelle tient la principaulté ſouveraine la maiſon de France, la plus noble de toute Europe. Et pour ce que ung jeune François a bouté & réduit par eſcript une partie des antiques éreſtions des cités des trois Gaules & a délaiffé pluſieurs cités très anciennes, comme Vienne, capitalle des Allobroges, Limoges, cité fameuſe, & autres pluſieurs, à cauſe de quoy, je Claude Champier, filz de meſſire Symphorien Champier, premier médecin de monſeigneur le duc de Lorraine, voſtre père, l'an de mon aage dix huitieſme, affin que de moy quelque bien tousjours à l'avenir provienne à l'honneur de la très chreſtienne nation françoïſe, de laquelle moy & mes anceſtres & majeurs ont prins origine & naiſſance, ay bien voulu adjouſter les cités délaiffées & omiſes audit livre intitulé : Les antiques

érations des Gaules par compendieuse & briefve description des fondations de la plupart des villes & cités assises ès trois Gaules, histoire très utile & délectable nouvellement commencée & mise à lumière par Corrozet, Parisien, & augmentée par ung Lyonnais. *Parquoy, tous nobles cueurs françois qui voudront cueillir fruit ou floriture & passe temps aux antiquités de Gaule, seront bien si humains qu'ilz en rendront grâces à ceulx princes qui ont esté cause que ce petit livre a esté ainsi composé. A tant, très noble prince, fine icy mon épistre, laquelle nous servira de prologue, priant celluy, qui par sa prudence collocaست la terre au centre du monde, vous veuille donner vie longue & immortalité finalement.*






LE SECOND LIVRE

DES

SINGULARITÉS DES GAULES

De la cité de Vienne.

 IENNE, comme récite Livius, noble historiographe, en ses Annales, est cité très antique, & fut construite par Venerius & fut premièrement nommée Bienne, pour ce que ledict Venerius, africain, en deux ans, la feist édifier « C'est *quod biennio perfecta fuerit* ». Et ce fut

du quart aage du monde, du temps d'Aven-
tinus Silvius, *Remuli majoris filius*, & du temps
de Licurgus, roy & législateur des Lacédé-
moniens, & du temps du roy Amasias, filz de
Joas, roy de Judée, & de Hélifée, le pro-
phète. Après long temps, par les Romains
conquise, fut dicté la cité du Sénat, & y
envoyèrent lesdicts Romains leurs garnisons,
lesquelles estoient de cinq légions. D'avan-
taige feirent édifier cinq chasteaulx tout au
tour de la cité, là où furent mises lesdictes
légions, fans qu'aucun fut logé en la ville.
Et pour ce qu'en chascune desdictes légions
avoit ung tribum Rommain chief, nommèrent
lesdicts chasteaulx du nom desditz tribuns :
le premier Grippon, le second Eumédion, le
tiers Spolion, le quatriesme Quiriacon & le
dernier Properciac.

De Ambrum & Gabpt.

AUX montaignes du Daulphiné a une cité & archevesché que l'on di& Ambrum, dédié aussi à l'honneur de Nostre-Dame, là où la Vierge fai& plusieurs miracles. Et est cité antique à sept lieues près une aultre ville nommée Gabpt, laquelle n'est pas loing de Sisteron, qu'est une aultre cité à l'entrée de Provence.

De la cité Die au Daulphiné & Valence.

DIE est une cité au païs des Allobroges di& de présent Daulphiné, située en une vallée fertile. Entre Die & Grenoble

font montaignes où est la fontaine que l'on diët la Fontaine Ardante, de laquelle parle sainct Augustin au livre de la Cité de Dieu. Aussi est bien prochaine la Montaigne Inascensible & la Tour-fans-Venin. Il est diët cy dessus par Corrozet que Valence a esté édifiée par celluy qui édifia Romans sur l'Isère; mais on pouroit dire qu'elle print son nom de Valentinian, empereur. Valence, du temps des Rommains, estoit une de leur colonie. Et à Valence sainct Félix, sainct Fortunatus & Archelaus, diâcres, lesquelz y furent envoiés par sainct Hireneus, archevesque de Lyon, après qu'ilz eurent convertis à la foy plusieurs personnes, furent martirisés; mais après fut à l'honneur d'iceulx par les citoyens de Valence construiëte une moult belle église hors les murs de la cité.

De Orange.

ORANGE est une cité, laquelle est principauté, située entre le Dauphiné & Avignon, & là est université, mais non fameuse. Les princes d'icelle cité ont esté tousjours gens de grosses entreprises, ayans seigneuries en divers païs soubz divers princes, en France, Bourgogne & en la Conté, en Flandres & Picardie. Maintenant la maison de Orange est tumbée en ligne féminine & en est seigneur le conte de Nansau, néanmoins que Monseigneur de la Chambre s'en dit estre seigneur.

De Avignon.

AVIGNON est belle, grosse & riche cité située sur le rivaige du Rosne, siège apostolic, là où ont faict leur résidence plu-

seurs papes, lesquelz pour la pluspart ont esté
lymosins. Là mourut saint Ruft, dict Ruffus,
filz de Simon Cirenensis, qui ayda à porter
la croix à Jésu Christ, nostre benoist faulveur,
jusques au mont de Calvaire ; lequel Ruffus
fut des septante-deux disciples. De saint Ruft
est fondé une belle abbaye en la cité de
Valence sur le Rosne, hors les murs.

De la cité de Arles.

ARLES est cité très antique située sur le
Rosne, là où a esté le siège & cité
capitale du royaume de Bourgogne, car
alors l'archevesque de Vienne estoit chan-
cellier dudit royaume ; & fut mareschal du
roy de Bourgogne Gervasius, nepveu du roy
d'Angleterre, lequel a composé le livre :
De mirabilibus orbis, du temps de Otto le
Quart, qui pour lors tenoit le royaume

d'Arles & de Bourgogne. De Arles fut évêque & les convertit à la foy chrestienne, Sainct Trophinus, disciple de sainct Pol, apostre. Aussi en Arles mourut sainct Genesius, chevalier. D'icelle cité fut évêque sainct Cefarius. Et aussi mourut en Arles sainct Egidius, qui estoit né de la cité d'Athènes & fut disciple de sainct Cefare.

De Montpellier.

MONTPELLIER est une ville & siège épiscopal de Maguelone, là où a université en médecine & en tous droicts. Et a esté le temps qu'en médecine estoit le meilleur exercice de toute Europe, & là venoient de toutes régions, tant des Espaigne, Italie, Angleterre, Escosse, que de Germanie, pour avoir la médecine. Là fonda pape Urbain ung beau

collège en médecine. De Montpellier fut seigneur monsieur saint Roch. Ufais aussi est cité ancienne près de Montpellier & en ung mesme païs.

De Nimes.

NÎMES est cité ancienne, & du temps des Rommains estoit une de leur colonie, & est à huit lieues de Montpellier. En celle cité a plusieurs choses antiques faictes par les Rommains, comme théâtres & aultres choses merueilleuses. Là où est le siège & la justice du pays de Languedoc. En icelle cité fut martirisé saint Baudilius.

De Aix en Provence.

Aix est une cité en Provence, le chief de la justice & le parlement du pays. En icelle cité sainct Maximin, ung des septante-deux disciples de Jéfu-Christ, prescha la loy chrestienne & en fut évesque. Aussi fut évesque sainct Sedonius, aveugle de naissance, lequel nostre seigneur illumina & guérit.

De la cité du Puis en Velay.

La cité du Puis est située en Velay, entre Auvergne & Vivarès, & est ancienne cité, laquelle a esté dédiée à l'honneur de la

Vierge Marie, & dict-on que l'image en a esté faite par monsieur saint Luc. En icelle cité de toute ancienneté le Jubilé est comme à Romme, quant le jour du grant vendredy eschait la feste de l'Annunciation Nostre-Dame ; là où l'on convient de tous les païs de la chrestienté. Au près d'icelle cité est une noble maison, que l'on dict Poliniat, & est visconté pour le présent, & fut le chasteau construit par Apollo, duquel a print le nom Poliniat, comme appert par ung sculpture & image, laquelle est encores grande à merveille audit chasteau, lequel est situé sus ung rocq & montaigne. De ceste maison de Poliniat font yssus plusieurs nobles chevalliers alliés des plus grosses maisons de France.

De Chalon en Bourgongne & Mascon.

CHALON est cité située au rivaige de la rivière de Saune, & est en país le plus fertile de France, tant en bleds que vins. Parquoy les Romains, à cause de la fertilité du lieu habitoient là plus qu'en autre lieu, & là faisoient leurs négociations & marchandises, & est à dix lieues de Mascon, qu'est une autre cité située en la province de Bourgongne, fus ladicte rivière de Saune, entre Lyon & Chalon.

De Troye en Champaigne.

TROYE est cité riche en Champaigne &, en latin, se nomme Trece. La rivière de Seine passe par dedans la ville &, de là, va à

Paris. D'icelle n'escripvent pas beaucoup les historiographes & pour ce m'en passe légèrement.

De Chalons en Champagne.

CHALONS est cité en Champagne, près de Reims, la principale cité, en pays fertile, & est l'évesque ung des pers de France, & est nommée des historiographes Catalaunium.

De Besançon.

BESANÇON est cité située en la conté de Bourgogne & Gaule celtique. En icelle cité a plusieurs antiquitez, comme à Romme le Pantéon & Campus Martius & Campus Minerve, & plusieurs aultres antiquitez trouveras à Besançon digne de recommandation.

*De Tarentaise en Savoie,
Belley & Saint Jehan de Morienne.*

TARENTAISE est cité en Savoye, aux montagnes des Allobroges, cité ancienne, de laquelle parle César en son premier livre. Ledit César mena cinq légions contre eulx & les deffit & prins par force, & pour lors se nommoient Centrones. Ceulx de Tarentaise sont entre les Belges, Celtes & Aquitains. En Savoye a trois aultre citéz : Belley, Aouste & Saint Jehan de Morienne, lesquelles César nomme Garocelli & Caturiges. En ce pays de Savoye a deux maisons anciennes, c'est la Chambre & Miolan ; mais celle de Miolan est faillie par faulte de lignée masculine & est pour le présent conjointe par mariage à la maison de Boulongne en Auvergne & allié à ceulx de Bourbon.

De cette maison sont issus plusieurs nobles & chevaleureux perſonnaiges, comme l'on peut veoir & lire aux annales & chronicques des Allobroges, lesquelles ont eſté rédigées par eſcript par mon père, meſſire Symphorien Champier.

*De Clermont en Auvergne
& de Saint Flor.*

C LERMONT en Auvergne eſt la principale cité, très ancienne, de laquelle fut évêſque Sydonius Appolinaris, lequel a compoſé pluſieurs livres avecque grande éloquence & doctrine ; & eſt Clermont ſituée en la Limaigne de Auvergne, pays moult fertile & abondant en bledz, vins, beſtial & aultres choſes néceſſaires à l'homme ; & a pluſieurs villes ſoubz elle comme : Mont-

ferrand, Rion, Briodes, Yfoire, Bilion & Tiairs. Auprès d'icelle est ung lac dict Sarchieue, duquel plusieurs bons poyslons fortissent.

Sainct Flor est une cité en Auvergne, aux montaignes située, laquelle, anciennement, se nommoit Velanus & le païs Velaunii, & n'a pas long temps, du temps de Joannes papa XXII, quelle fut érigée en évesché ; paravant estoit abbaye de moynes de saint Benoit.

*De Limoges, cité opulante & antique,
& de la cité de Tulle.*

LIMOGES est très antique cité, & a esté fondée avant l'advènement de nostre Seigneur longtemps, par ung prince dict Limos ; laquelle fut réduite & fait chrestienne par saint Marcial, disciple de Jéfu

Christ, celluy duquel dict nostre Seigneur en l'Evangile. *Nisi efficiamini sicut parvulus iste, non intrabitis regnum Dei.* Le dict sainct Marcial convertit le roy de Limoges nommé Sigibertus à la foy, lequel Sigibertus avait faict décoller saincte Valérie.

Au pays de Lymosin a plusieurs nobles & antiques maisons, & spécialement quatres : Toraine, Vantedor, Treniat & Pompador. De la maison de Toraine font fortis deux papes : Clément & Grégoire. Clément, qui estoit moyne de l'abbaye de la Chafedieu, fait édifier l'église de ladicte abbaye, laquelle est moult belle, ayant de longueur cent & dix pas. Grégoire, lequel transféra le siège apostolicque de Avignon à Romme, fut premièrement arcevesque de Arles.

La seconde cité de Limosin est Tulle, cité située en une vallée fertile, entre montagnes, au bas Limosin, là où est la plus belle & haulte esguille de clochier qui soit en France.

De Rhodes.

RHODES est une cité ancienne en Gaule Aquitanique, de laquelle parle Lucanus en son premier livre. Rhouergue est située entre Auvergne, Lymosin & Querci, país de montaignes. Là sont plusieurs villes comme : Rhodes, Villefranche, Espalion & aultres, où sont plusieurs riches & anciennes maisons, comme Arpaion, la maison Destein, Lastelps & aultres.

De Bordeaux.

BORDEAUX est cité riche & antique, là où sont plusieurs antiquitez & plusieurs théâtres. Province moult fertile, & se dict l'archevesque Primat d'Acquitaine ; mais celluy de Bourges dict du contraire. Là est le

Parlement de Guienne, où resortent Lymosins, Périgordins, Agénois & aultres plusieurs. De Bordeaux fut né Ausoni, poète très-célèbre entre tous aultres poètes, qui a escript plusieurs épigrammes & le nombre Terneire, qui font livres de grand artifice & de grande & merveilleuse éloquence.

De Cahors.

CAHORS est ancienne cité en Gaule Aquitanique près de Rhouergue, de Lymosin & de la cité de Montauban, pays fertile en toutes choses nécessaires à l'homme, de laquelle le Juvénal, en sa première satire du tiers livre, fait mention. De celle cité fut évêque saint Ambroise, nom pas celluy de Millan, docteur, mais ung aultre de sainte vie ; & despuis le temps d'icellui Ambroise, en la rivière qui passe par la cité de Cahors,

ne se trouva brochet, pour quelque cas qui despleut audict saint Ambroyse, à cause d'icelluy poysson.

A Cahors a Univerfité en tous droictz fameuse, à quatorze lieues de Thoulouze.

De Bourges.

BOURGES est cité très-ancienne, de laquelle parle Lucanus en son premier livre, & est située au millieu du royaume de France. Forte cité & marchande & spécialement de drapperie, laquelle se faict audict lieu. Le premier évesque de Bourges fut disciple des apostres, nommé Urfinus, & fut envoyé à Bourges par les apostres de Jéfu-Christ. Second évesque fut sanctus Austragifilas, lequel fut envoyé par sainte Marthe prescher l'évangille à Bourges. Le tiers évesque fut saint Sulpicius, lequel suscita ung mort

deffoubz de duc Pepin de Bourges. Après long temps, l'an de grâce MCLXXIX, fut évesque de Bourges saint Guillaume, lequel présenta les hérétiques Albigeois, deffoubz Frédéric premier & deffoubz Philippe, roy de France.

De Périgour & Sarlat.

PÉRIGUOR est cité ancienne, en Gaule Aquitanique, dicté quasi pierre dure, pour ce que ceux du païs ne sont pas si subtilz que leurs voisins Lymosins, mais sont plus durs & fermes en leurs opinions. Saint Front, disciple de Jésus-Christ, les convertit à la foy catholique, duquel est fondée la principale Eglise. Le dict saint Front vint de Hiérusalem, avec le Lazare & les Maries, ses sœurs, & dict-on, que depuis la mort de saint Front, homme qui fut né en celle évesché ne fut taché de lèpre.

Sarlat est aussi une cité en Périgor, à trois lieues de Montiniat-le-Conte, & fut faite & constituée évêché par Joannes, pape XXII, & séparée de Périgor.

De Chartres.

CHARTRES est cité très-antique, de laquelle parle Tibulus, en sa septiesme élégie. L'église d'icelle cité est la plus magnifique & riche que l'on faiche en France, & a église dessus terre & dessous dédiée à l'honneur de Nostre-Dame. En icelle église est la chemise de la Vierge Marie, & fait plusieurs miracles. La dicte église a esté fondée de LXXII chanoines à l'honneur des septante deux disciples Nostre Seigneur, & y a ung doyen & sept archidiacres, au nom des sept villes à celle église subjectes. Anciennement les philosophes dictz druides, de Dreux

nommez, à sept lieues de Chartres, la plus part du temps, habitoient au dict lieu de Chartres & philosophoient soubz les chefnes, par quoy estoient dictz Druides: *A quercubus quasi sub quercu philosophantes.*

De la cité du Mans.

LA cité du Mans est située au fins de Normandie. Ancienne cité, laquelle fut réduite à la foy chrestienne par saint Julien de Syrie, disciple de Nostre Seigneur Jésus-Christ, lequel guérit plusieurs lépreux & resuscita trois mors; aussi saint Priscus & Lazarus, disciple de saint Cletus, pape, prêchèrent au Mans la foy chrestienne.

Du Mans fut né saint Léonardus, abbé de Corbiers.

De Noion & Viaron.

NOION est cité en Picardie, de laquelle parle César en ses commentaires, près Soissons, de la province de Reims.

Viaron, anciennement du temps de César, estoit une des plus fortes villes des Gaules, au pays de Bourges, & se nommoit Avaricum, située en terre fertile. De présent est une petite villette, là où est une abbaye de moynes.

De Arras.

ARRAS est cité en Picardie, belle & riche, près d'Amiens, Tournay & Téroienne, lesquelz se nomment Attrébates. Le roy Loys XI la print par force & la peupla du peuple de France ; mais despuys fut, par

emblée & subtil moien prinse par Maximilien d'Autriche avec les Bourguignons voisins & hannuiers.

De Calais.

CALAI est une ville en Gaule Belgique, près de Térouenne, que l'on dit Morinum, & de Arras, Amiens & Tornay, fus le rivage de la grant mer, que l'on dict Oceanum, & de là n'a pas longue mer jusques en Angleterre. Ceste ville est merveilleusement forte &, nonobstant qu'elle soit en Gaule, pour le présent, la tiennent & occupent les Anglois.

De Rhenes.

RHENES est cité entre les Celtes colloquée, près la mer Océane, & la principale cité de Bretagne.

De Lifieux.

LISIEUX est auffi cité fituée en Gaule Belgique & Normandie, & touche la mer Océane, & est voifine de Bayeux. D'icelle parle Céfar en fes Commentaires.

De Bayeux.

BAYEUX est cité fituée en Gaule Belgique, près de Lifieux, & est en Normandie. Sainct Lucien, difciple de fainct Pierre, les convertit à la foy chrestienne, lequel fut envoyé par fainct Clément, pape, avec fainct Denys, prefcher en Gaule.

De Verdun en Lorraine.

LE païs de Lorraine est compris en trois cités ou éveschés, c'est : Verdun, Toul & Mets. Verdun est situé entre la foretz Ardeine, près le chasteau de Sédan & le duché de Barrois. Toul est situé entre Mets & Langres, & anciennement se disoient Leuci; & les convertit à la foy chrestienne saint Mansus, disciple de saint Pierre. Aussi saint Léon, pape, & saint Gérard furent évesques de Toul. De Leucis fait mention Lucain en son premier livre. Mets, laquelle anciennement se disoit Mediomatrices, est cité chief du royaume d'Auftrasie. Là mourut saint Sigisbert, roi d'Auftrasie, duquel le corps est en l'abbaye de Saint Martin, hors la cité. Si tu veulx lire de l'origine & antiquité de Mets, tu liras les Chroniques de Lorraine composées par mon père, messire Champier,

& là verras les gestes du preux lorrain Guérin, dont le corps est tout entier en l'église Saint Estienne de Mets. En ses Chroniques d'Austrasie verras comme la noble maison des princes lorrains est descendue par vray succession masculine du grand Pepin, duc d'Austrasie, lequel fut père de Charles Martel & grand-père de Charlemaine, & Charlemaine père de Loys le Débonnaire, lequel est ensevely à Saint Alnods de Mets, hors la cité.

De Basle.

BASLE est cité en Gaule celtique, sus le Rhin. Là saint Pancinus, évesque martyr, mourut ; là aussi fut le concile célébré l'an MCCCCXXXIII, & est Basle cité fort antique.

Fin du second livre de l'érection des cités des Gaules.



CY APRÈS S'ENSUIT
UN
PETIT TRAICTÉ
DES
FLEUVES & FONTAINES
ADMIRABLES
DES DICTES GAULES,

Iadis composé par messire SYMPHORIEN CHAMPIER,
chevallier,

Nouvellement traduit en la langue françoise
par son fils CLAUDE CHAMPIER



A chose que plus anoblit une
province sont les fleuves.
Que si Italie par plusieurs
nobles fleuves, comme le
Paud, dict en latin *Eridanus*;
le Tibre, à Romme, & aultres, a esté recom-

mandée des historiographes, & la Germanie pour le Danube & le Rhin, qui despart & sépare Gaule à Germanie veulx bien en ce petit livre demonstrez que la Gaule a des fleuves aussi nobles & en aussi grant nombre que province ou nation que soit en Europe, & prendray mon commencement au Rosne, qui est le chief, & comme roy entre les fleuves desdictes Gaules.

Du Rhosne.

TROIS nobles & principaulx fleuves d'Europe prennent leur origine & commencement d'une montaigne, & icelle montaigne a trois fontaines : de l'une fort le Danube, qui prend son cours vers Ungrie, de l'autre fontaine, le Rhin, qui descent vers Coloigne, & sépare Gaule des Germains ; de la tierce

fontaine procède le Rhosne, non pas loing de la fontaine du Danube, ne de la fontaine du Rhin ; mais il prent son cours par le millieu du lac de Lofanne & Genefve, courant, par la Savoye, droict à Lyon, là où entre dedans la rivière de la Saune, laquelle y pert son nom. Le Rhosne, de Lyon, descnt à Vienne, de Vienne à Tournon, de là à Valence, de Valence au Pont-Sainct-Esperit, de là en Avignon, à Tarafcon, de là, près Arles, par deux bouches, entre en la mer.

Au rivage du Rhosne a plusieurs nobles & anciennes maisons, & principalement trois de grand renom & antiquité.

La maison de Poytiers, de laquelle estoient les comtes de Valentinois. Depuis, la dicte comté fut donnée à la couronne de France, & diët l'on que ceulx de Poytiers sont venus & descendus des contes de Poytiers, de Mélusine & Raymondin, conte de Forest, qui bastirent la Rochelle, Partenay & le chasteau de Lufignan.

La seconde & ancienne maison, sur le rivaige du Rhosne, est la maison très ancienne de Tournon, laquelle, comme récite Jehan Le Maire des Belges, en son tiers livre des Illustrations de France, est descendue de Turnus, Troyen, lequel édifia Tours & Tournon. De ceste maison print origine sainct Just, arcevesque de Lyon, lequel mourut en Egypte ; mais, après, fut apporté son corps à Lyon, &, en son nom, y fut bastie une moulte belle église. En mémoire que sainct Just est forti de la maison de Tournon, ceulx d'icelle maison ont de coustume que l'aîné filz, ou bien l'ung des aultres enfans, portera le nom de Just, & celluy qui est à présent seigneur de Tournon a nom Just, & son feu père, qui mourut devant Pavie, s'appeloit Just.

La dicte maison de Tournon porte en ses armes ung lyon rampant, en champ mesparty, que sont les armes de Troye, comme dict Le Maire ; l'autre cousté semé de fleurs de lis, qui sont les armes de France. Si tu veulx

ſçavoir amplement la vraye antiquité d'icelle maison, tu liras le livre de *Monarchia Gallorum, & librum caſtigationum*, leſquelz a faiçt mon père, meſſire Symphorien Champier.

La tierce maiſon, ſur le rivage du Rhofne, eſt la maiſon de Lévis, d'où ſont les feigneurs de la Voſte, & d'icelle lignée ſont auſſi les feigneurs de Mirepois, & le feigneur de Cofan ou Foreſt & le conte de Vantedor. Celle maiſon eſt deſcendue, comme l'on tient pour certain, du tribu Lévi, qui eſtoit l'une des douze tribus d'Iſraël, de laquelle tribu eſtoient les prebſtres de la loy iſraélitique, ſelon l'ordonnance de Moyſe, leur légiſlateur, comme il eſt eſcript au livre du Lévitique & Deutéronomique & Genèſe.

De Saune.

ARAR, que maintenant difons la Saune, est fleuve de Gaule Celtique & prend fon commencement au diocèse de Toul en Lorraine, non pas loing des montaignes de Vauge, que l'on dict, en latin, Vosgo, dont auffi prend fon origine le fleuve de Mufe. La Saune prend fon cours par le millieu de la conté de Bourgongne, que, anciennement, on nommoit Sequarii : auffi paffe & divife le duché de la conté en aucun lieux, & paffe par Auxone, et de là, à Chalon & à Mafcon &, foubz Lyon, entre dans le Rhofne & là perd fon nom ; duquel fleuve parlent Virgile en fes Bucoliques, & Lucanus en fon premier livre, & Tibulus en fon élégie feptiefme.

Arar, du temps des martyrs de Lyon, mua fon nom, & fut dict Saune du fang des dicts martirs qui eftoient dix-neuf mille en nombre,

tous descollez à la croix qu'on dict de présent la Croix de Colle, & pour ce que le sang des martyrs, descollant dans le fleuve de Arar, monta miraculeusement contre mont la dicte rivière iusques à la cité de Mafcon, a esté depuys nommée Saune, à cause du sang des dictz martirs, desquelz estoit chef saint Hirinier, avec ses disciples Hippipodius & Alexander, médecin.

Le fleuve que l'on nomme le Doux, en latin Dubis, se joint avec la Saune en la conté de Bourgongne, venant du pays d'Allemagne.

*De Loire que l'on dict en latin Ligeris,
& du fleuve d'Alier.*

LOIRE est fleuve de Gaule Celtique, lequel list des montagnes d'Auvergne, & descend au pays de Forest, & de là, à Nevers, Gien,

Orléans, Blois, Amboise, Angers, Nantes, & puis descent en la mer Océane. Ce fleuve a ung merveilleux cours & passe par les meilleurs païs & cités de la Gaule. De Loire fait mention Tibulus, en sa septiesme satyre.

Le fleuve d'Alier prent son commencement aussi aux montaignes d'Auvergne & fait son cours, par la Limaigne du dict Auvergne, vers le Pont au Chastel & passe près Molins, puis entre en la dicte rivière de Loire au-dessus de Nevers, & là perd son nom.

Des fleuves Dordonne & la Sere.

DORDONNE est fleuve, lequel prent son commencement aux montaignes d'Auvergne & descent en Limosin, Querci & Aquitaine. En ce fleuve a plusieurs bons poissons & mesmement truiçtes, les meilleurs

qu'on scaiche ; mais a plus grande abundance auprès d'ung prieuré nommé le Port-Dieu, qui sépare Auvergne & Limosin ; car d'ung costé de Dordonne est Gaule Celtique & du Parlement de Paris, & l'autre costé, vers le Limosin, est le duché de Guienne & du Parlement de Bourdeaux.

La rivière de Sere entre dedans Dordonne auprès de Castelnau de Bretones en Querci, qu'est une rivière comme la Saune à Lyon, laquelle passe par bon & fertile pays, &, en icelle, se treuvent plusieurs faumons.

De la Garonne.

GARONNE est ung noble fleuve, lequel sépare la Gaule Celtique de la Gaule Aquitanique, & sont ceulx d'Aquitanie entre la Garonne & les monts Pyrénés, & d'iceulx parle Tibutus en sa septiesme élégie.

De la rivière de Marne.

MARNE est ung fleuve, lequel sépare les Belges des Celtes, & prent son origine auprès de Langres, non guère loing de la fontaine de Meuse, ne de celle de Saune. Or, dict-on, que la plus haulte cité des Gaules est Langres. Marne prent son cours vers Champaigne, droict à Chalons, &, près Paris, entre en la rivière de Seyne, & là perd son nom.

De Meuse.

MEUSE est fleuve, lequel prent sa naissance en la montaigne de Vauge, en Lorraine, près des fontaines de Marne & de la Saune, & descent en Gueldres, puis entre

dans le Rhin, & faißt une isle que maintenant on dict Holande & anciennement Batave.

De Moselle.

MOSSELLE est aussi fleuve qui prend son commencement aux montaignes de Lorraine & de Vauge, prenant son cours vers Mets, où il passe dedans & dehors. De là, va à Trèves & Conflans, après entre dans le Rhin. De ce fleuve ne faißt mention César, mais Tacitus en descript assez au long.

De Seyne.

SEYNE est ung fleuve qui prend son origine & naissance en la duché de Bourgongne, près de Troye en Champaigne, & passe par

dedans la ville de Troye, de là, à Paris, mais, au-dessus, y entre Marne. De Paris, Seyne prend son cours vers Rouen, &, après entre en la mer Océane. De Seyne fait mention Lucanus en son premier livre.

De l'Isère & de Drat.

L'ISÈRE est ung fleuve prenant sa naissance aux montaignes des Allobroges, & entre dedans icelle le Drat, auprès la cité de Grenoble, que sont deux rivières moult impétueuses & ravissantes, & perd son nom, le Drat au dict Grenoble, & l'Isère, près de Tournon, entre dedans le Rhosne.

De Scalda dit l'Escau.

L'ESCAU ou Scalda est ung fleuve entre les Belges, lequel entre dedans la Meuse, à l'issue de la forest d'Ardaine, & passe par Tournay en Picardie.

De Sembre ou Subis.

PRÈS de Tournay est ung aultre fleuve qu'anciennement se disoit Subis, &, maintenant, en latin, se nomme Scambra, & passe par l'évesché du Liège, & entre dans Meuse, & passe par Cambray.

De Affone.

ASSONE est fleuve sus la fin de l'archevesché de Reims, & anciennement avoit ung pont moult beau. Celle rivière est parfois si petite qu'on la peult facilement passer à gué.

De plusieurs fleuves desquels n'est pas fait mention ès histoires.

Au royaume de France sont plusieurs aultres fleuves, desquels n'est pas fait mention, pour ce qu'ils entrent dans les fleuves sus nommés, comme la Durance, que passe entre Avignon & Carpentras & entre au Rhosne ; de Albe, en Champagne ; de Saune, en Picardie ; de Caronnus, de la Veferre, laquelle passe à Montiniat-le-Conte,

en Périgor ; de la Charente, laquelle passe en Angolefme, & plusieurs aultres.

Des lacs des Gaules.

QUANT aux lacs je m'en déporte pour le présent, combien qu'il y en ait plusieurs ès-Gaules. Le lac de Genesve ou Lozanne, par le millieu duquel passe le fleuve du Rhosne, Lacerna Tholosanus, Ruscironensis, Maffilienfis, Burdegalus & aultres plusieurs, comme Aiguebelette, Echié & aultres femblables.



DES
FONTAINES ADMIRABLES
ET
DIGNES DE RECOMMANDATION
ESTANS ESDICTES GAULES

De la fontaine ardant.



SAINCT Augustin, au *Livre de Dieu*
XXI, chapitre vii, dict qu'en
Epiro est une fontaine, que si
l'on met dedans une chandelle
ou torche allumée, elle s'estaint, & si la dicte
torche n'est allumée, elle s'allume. Davan-
taige dict il n'avoir veu la dicte fontaine in
Epiro, n'aussi parle à ceulx qui disoient l'avoir

veue, mais qu'il a bien veu, & parlé à ceulx qui, par vérité, afferment estre une telle fontaine semblable en Gaule, près la cité de Grenoble. D'icelle fontaine ont escript deux docteurs en médecine de ma congnoissance, c'est maistre Hiérosme Montous & maistre Pierre Arcodus. Tu pouras lire leurs livres, si veulx sçavoir l'origine & nature d'icelle fontaine. Or veulx-je bien dire & affermer estre une des merveilles du monde & digne d'une grosse perscrutation & intelligence.

*De la fontaine qui produiſt pierres
précieuſes.*

Au Daulphiné est une fontaine d'où est clère l'eau à merveille, & d'icelle iſſent pierres gliffantes & polliées, leſquelles guériffent la ophthalmie des yeulx & la

maille. Que si quelque chose est dans l'œil, celle pierre le dégette dehors & le clarifie, comme l'on veoit tous les jours par expérience.

*De la fontaine, laquelle signifie stérilité
de biens.*

AUPRÈS d'ung prieuré nommé Mante, au Daulphiné, près Doras en Lavandore, quant il doibt venir stérilité de biens & famine, sort de terre une fontaine, laquelle vient en si grosse habondance, que facilement deux moulins en moudroient ; & se trouvent, en la dicte fontaine grosse multitude de poissons, & les habitans du pays, lors sont assurés avoir stérilité de biens, parquoy ilz font leurs appareils contre la dicte famine future. La dicte fontaine est bien souvent l'espace de six à sept ans sans sortir, & auculne fois dix ans.

Aussi, on dit qu'auprès de Grenoble, à la Saxonage & en la terre dudiect seigneur, quant doibt estre stérilité de biens & famine, trois tines de pierres antiques sont touiours pleines ; si c'est temps fertiles, elles sont vuydes & sans eue.

*De la fontaine que l'on diët Fontfort
en Forest.*

FONTFOR est une fontaine en une ville de Forest diët Sainct-Galmier, de laquelle tous les habitans du lieu boivent. La diët fontaine est hors la ville, dans une petite chapelle diët Sainte-Catherine, &, combien que touiours est bouillante, gettans grosses bullules, néantmoins l'eue d'icelle est grandement froide & clère comme cristal, picante fus la langue quant on la boit, si que la meslant avec du vin ne peux appercevoir au

gouster qu'au dit vin y ait aulcune eaue, si tu ne bois incontinent que tu l'y auras verfée ; & qu'est chose merveilleuse, aulcune chair n'en peult estre bouillie, car incontinent l'eaue ist du pot, & le pain qui en est fait est par trop tost levé ; parquoy n'est bonne la dicte eaue de Fontfort sinon à boire seulement ; & par le bénéfice d'icelle eaue, les habitants de Saint-Galmier jamais, ou peu, sont prins de fievre continue.

De la fontaine vineuse.

Aux montagnes d'Auvergne, entre une commanderie de Rhodes nommée le Loys, & le chasteau de la Culie, est une fontaine, laquelle est appelée vineuse, pour ce qu'elle a saveur de vin, & souffit pour boire mesler la fixiesme partie d'un pot de vin avec la dicte eaue, tant elle est bonne &

favoreuse. Dommaige est que beaucoup de telles fontaines ne sont es populeuses citez, mais Dieu, selon son bon vouloir, distribue ses biens.

De la fontaine oléagineuse.

EN la Limaigne de Auvergne, près de Clermont, est une fontaine là où vient une liqueur comme trébentine, mais plus noire, & brusle au feu comme poix ou trébentine, & vault moult aux gouttes froides & jointures, conforte les nerfz quant on les oing de celle matière oléagineuse, & si vault à faire oignemens avec trébentine & aultres liqueurs aux nerfz concernantes. Les habitants du pays de celle liqueur oléagineuse egressent les jeunes arbres & les chièvres n'en approchent moyennant la dicte liqueur, qu'elles craignent fort.

De la fontaine qui engendre la pierre.

AUPRÈS du dict Clermon y a une aultre fontaine qui engendre naturellement la pierre, car d'elle mesme a faißt un pont de pierre, sur lequel on passe pour aller en ung moulin estant illec auprès ; & au Daulphiné, près du Péage de Roffillon, a une tour dicte Gieuret, d'où fort une fontaine faisant mouldre deux moulins, laquelle engendre la pierre comme celle d'Auvergne.

De la fontaine limoneuse.

Au dict diocèse de Clermont, en un lieu appelé Mantas, il y a une fontaine, qu'à la vigile de Sainct Pierre d'Aoust, est toute pleine d'immondices & de limon, &

le jour du dict saint Pierre, est aussi claire que cristal & nette, sans que personne y ait riens nettoiyé.

De la fontaine de Loiret, près Orléans.

AUPRÈS d'Orléans est une fontaine d'une si grande abundance d'eauë, qu'au sortir elle fait une grosse rivière navigable, laquelle l'on appelle Loiret, & bien tost après descent dans Loire. Auprès de Chartres, y en a une aultre, mais non si copieuse.

De la fontaine des truites.

AUPRÈS d'Angoulesme, à demilieuë, fort de terre une aultre fontaine merveilleuse, avec grand roideur & abundance d'eauë, si qu'elle fait une grande rivière à son sortir.

En icelle naissent truites, lesquelles communément croissent à la grandeur d'ung pied ou plus, les meilleures qu'on sçaurait manger de fontaine vive. On les prend la nuit avec torches & flambeaux, en si grosse multitude qu'elles ne valent pas six blans; ailleurs elles se vendroient bien quinze sols. En la source d'icelle fontaine on ne pèche sans le congé du Prince, mais bien à un gest d'arbaleste. La dicte fontaine descent bien tost dans la rivière de la Charante, laquelle passe soubz Angoleme, dont il est dommage pour sa fertilité, car elle n'a son cours guères plus de demy lieue.

Des fontaines chaudes de Gaule.

EN Gaule a plusieurs fontaines chaudes, où l'on se baigne pour diverses maladies. La première est celle de Plumièrre, en Lorraine, à deux lieues de l'abbaye des nonnains

de Remiremont : & là, viennent de divers pays, pour estre guéris de plusieurs infirmités, tant de France que d'Alemaigne. Les dictes fontaines guérissent entre aultres les gouteux & artétiques, appert tous les jours par expérience.

De la fontaine des bains en Auvergne.

A quatre lieues de la Cuillée, tirant le chemin de Yfoire, dans les montaignes, près la Croix Morant, sont les bains que l'on dict Abein, en la seigneurie du viscomte de Turenne. A ces bains viennent plusieurs persécutez de diverses maladies, tant de lèpre, gouttes artétiques, douleurs de nerfs, que aultres ; & y a plusieurs fontaines pour lépreux, pour roigneux & pour ceulx qui sortent de maladie, qu'est une chose moult digne de recommandation ; & sont lesdicts

bains chaulx à merveille, & croy qu'ilz font de mineré de fer, qui est la cause qu'ilz confortent la vertu rétentive & tous les membres du corps. Il y a bien mille ans, ou plus, qu'ilz font faictz d'ung merveilleux artifice.

*De la fontaine & bains de Borbon
en Borbonnois.*

Au pays de Borbonnois, a une ville dicte Borbon, d'où prent son nom le duché de Borbonnois, où sont plusieurs fontaines chaudes, & y viennent plusieurs malades, mesmement ceulx qui labourent de épileptie, de paralisie & rongnes diverses, non sans le gros prouffit des habitans du lieu.

Des bains & fontaines de Chauldaigues.

Au païs d'Auvergne, au chemin de Lyon à Thoulouse, a ung lieu diët Chauldaigues, où sont plusieurs bains chaulx, bons à plusieurs maladies froides, & mesmement aux femmes qui ont la matrice froide, à ceulx qui sont refroidis des nerfs & des membres.

Aussi, à Aix en Provence, a plusieurs fontaines chaudes ; mais, pour ce que ceulx du lieu n'en ont grand sollicitude les remettre en leur entier, sont inutiles & délaissées.

*Des bains d'Aix près de Chambéri
en Savoie.*

A deux lieues de Chambéri en Savoie, est située une petite ville nommée Aix, où sont plusieurs bains d'eau chaude, en si

grande quantité, qu'il n'y a maison, en la dicte ville, qu'il n'ait ses bains où l'on se peult baigner à plaisir. Audiets bains se treuvent plusieurs serpens, lesquels, à ceulx qui ne l'ont accoustume, font grandissime peur, mais ne font aucun mal, car elles sont si privées & innuifibles, qu'on les prent à la main, sans point de danger. A Aix, plusieurs gens viennent pour, en ces bains, recouvrer santé de leurs maladies, comme gouteux, artétiques & aians refroidis les nerfs, & lépreux. Mais, icy, une chose fault noter, qu'avant qu'on entre en quelque bain que ce soit, fault la personne estre premièrement purgée diligemment des humeurs cachochimiques & mauvaïses, aultrement les dicts bains te sont rendus inutiles, mauvais & contraires.

FINIS.



DES
SAINCTS LIEUX
DE GAULE

LA OU NOSTRE SEIGNEUR
PAR L'INTERCESSION DES SAINCTS

Fait plusieurs miracles.

AUTHORE CLAUDIO CAMPEGIO



la louange & exaltation & gloire
du Souverain Monarque, largi-
teur de toutes grâces, lequel,
au commencement de toutes
œuvres, doit estre invoqué premièrement &
avant toutes choses, &, après icelluy, au

nom de luy, la très glorieuse Marie, sa mère, & ses saints apostres & martyrs & confesseurs, ay proposé descrire les lieux saints de Gaule, où Dieu, à la requeste & intercession d'iceulx, fait miracles patans & évidans, & oultre toute puissance de nature ; &, si aulcun émulateur de la secte vau- doise disoit vouloir diminuer & terminer la gloire d'iceulx, que au seul Dieu on doit vraye adoration & oraison, auquel argument respond le sage crestien, que l'on peut faire oraison à quelcun en deux manières : la première, affin que celluy à qui on la fait nous donne ce que nous requérons ; la seconde est affin que celluy à qui nous faisons oraison veuille, envers Dieu, impêtrer ce que demandons. A la première manière, l'oraison se doit faire seulement à Dieu, duquel tout bien procède, car toutes noz oraisons doyvent estre ordonnées pour parvenir à la grâce de Dieu, laquelle Dieu unique donne à ses créatures, comme dit le psalmiste : *Gratia*

& *gloria dabit Dominum*. Mais, à la seconde manière, pouvons faire oraison aux saintz & aux anges, affin que, par leurs mérites & prières, Dieu nous doint ce que nous demandons ; &, pour ce est dict au VII de l'Apo-calipse : *Ascendit fumus aromatum, id est orationes sanctorum, de manu angeli, coram Domino*. Et, comme dit saint Grégoire, au XII Des Morales : *Beatis in verbo manifestatur illud quod decet eos cognoscere de his quam circa nos aguntur*. Les saintz, qui sont en Paradis, voient au Verbe divin noz prières & pétitions raisonnables, &, pour ce, ceulx qui sont vivans à ceux qui sont en Purgatoire, ne orent ne font déprécations, comme ilz font à ceulx qui sont en Paradis, pour ce qu'ilz ne fruiſſent encores du Verbe divin.

De Nostre-Dame-de-Cléry.

A quatre lieues de la cité d'Orléans est Nostre-Dame-de-Cléry, laquelle église le roi Louis XI feist édifier & bâtir sumptueusement & dotat de plusieurs biens & amplex revenus, tant auprès d'Orléans, que Normandie, & fonda plusieurs messes & offices divins, que l'on dict journellement, & une messe pareillement en choses faictes & musique armonieuse; & sont dix chanoines de fondation, tant royalle que du conte de Tonnerre. En icelle église a gros aport de pélerins, que, journellement, viennent à Nostre-Dame, là où la dicte faict plusieurs miracles évidans & manifestes, car, quant ung pélerin, ou aultre, sur mer, ou alieus, en péril & danger de mort, réclame la Vierge Marie, &, promettant de accomplir leur veu

& promesse, c'est assavoir d'aller au dict lieu, à l'heure du veu, ung cierge qui est très gros & matériel, & est devant la dicte ymage estaché d'une grosse chaîne de fer, au centre de l'église, faict ung tour ou deux, faisant merveilleux bruiçt, en telle sorte, que du vilage, on apperçoit le bruiçt, alors le peuple va à l'église & voit tourner le dict cierge, lequel dix hommes ne sçauroient tourner, car il est fort gros & la chaîne moult grosse où il est estaché au centre de l'église, &, alors, on escript l'heure & jour du tournement, &, après ung temps, celluy auquel Nostre-Dame a faict miracle vient rendre son veu, & alors, on luy list le jour que le cierge tourna, &, là, congnoist le pèlerin que c'est le jour & l'heure qu'il estoit en dangier de mort & qu'il se voua à Nostre-Dame, &, ce avient tous les ans, aucunes fois selon les accidans humains, & ce tè escriptz comme celluy qui a leu de tels miracles au catalogue de la dicte église plus

de cent, & n'en sçauroie tant nombrer qu'il n'y a eu pour le temps passé ; &, de mon temps, estoit en la dicte église, ung homme, dict Nicolas, qui, tout le jour, depuis le matin jusques au soir, estoit à genoulz, les mains jointes, devant la dicte image, & veist plusieurs chandelles en la main, que les pèlerins luy donnoient, sans remuer ny piedz ny mains, quasi immobile & sans manger de tout le jour, & ordinairement estoit en contemplation & ne prenoit repas que au soir, & vivoit fort austèrement & avoit demeure, faisant celle vie dix ans, & croy que encores soit vivant en icelle contemplation.

De Nostre-Dame-de-Chartres.

A Nostre-Dame-de-Chartres est là sa chemise & là faict plusieurs miracles, &, comme l'on treuve par les chroniques que celle image Nostre-Dame estoit faicte avant la nativité Nostre-Seigneur long temps. On faict des chemises, au dict Chartres, & les boutent par dix jours sus la chasse Nostre-Dame, pour les femmes qui ne peuvent facilement avoir leurs enfans, car elles ont telle propriété que, quant une femme travaille à faire l'enfant, qui met celle chemise sur le ventre d'icelle, elle délivre incontinent après ; & si un homme de guerre porte sur luy, ou soubz l'arnois, celle chemise, il n'est jamais frapé de coup d'artillerie, &, s'il est frapé, la pierre ne perfe point l'arnois, mais, glissant, va dessus l'arnois.

En icelle église font septante deux chanoines, à la remembrance de septante deux disciples de Jéfu-Christ, & sept archidiâcres, en mémoire de sept candelabres que veïst saint Jehan en l'Apocalipse, & est icelle église, entre toutes aultres, moult bien servie en divins offices, ayant deux églises l'une sur l'autre.

De Nostre-Dame-du-Puis.

NOSTRE-DAME-DU-PUIS-EN-VELAY est église moult belle, là où Nostre-Dame faiçt plusieurs miracles, & est le Jubilé à la dicte église, toutes les fois que Nostre-Dame-de-Mars est le Vendredi-Saint, &, alors, de plusieurs régions, viennent au païs gagner les Pardons. Là, comme l'on dict, la Circuncision Nostre-Seigneur y est, & la mittre de Aaron, frère de Moyse.

De Nostre-Dame-des-Plantz.

AUPRÈS du Pont-Sainct-Esperit, à la partie du Dauphiné, est Nostre-Dame-des-Plantz, là où la Vierge Marie fait plusieurs miracles & fust trouvée l'image miraculeusement, en coupant les bledz, par les passans du pays. Là viennent pèlerins de plusieurs régions & treuvent remèdes de plusieurs maladies au dict lieu, lesquelz ne sont à oublier à tous bons catholiques.

De Nostre-Dame-de-Roquemador.

ROQUEMADOR est une église collégiale, subiecte à l'évesque de Tule, assise en Querci, là où est le corps de saint Amador,

disciple de Jésus-Christ, & aussi l'espée de Roland, Durandal, comme jay veu & tenu, d'ung merueilleux poys ; &, là, ont une cloche sus le portal, sans corde, laquelle est petite, &, toutes les fois que quelqu'un estant sus mer, en dangier, & il invoque Nostre-Dame & promet venir à Roquemador, celle cloche de soy mesme sonne, & alors les chanoines & citoiens du lieu vont à l'église & mettent par escript le jour & l'heure que la dicte cloche sonne ; ung temps après, viennent les pélerins, & alors on list dans le livre & congnoissent le dict miracle estre vray, & plusieurs fois avient que la cloche sonne d'elle mesme, quant se font miracles sur mer.

De Nostre-Dame-d'Autefaie.

NOSTRE-DAME-D'AUTEFAIE est en Gascoigne, laquelle faißt de grans miracles, &, ceulx de Limosin & Perigours, à Genes, de Querci & Rouergue, y ont grande dévotion & vont en pèlerinage pour les miracles qui se font là.

De Nostre-Dame-de-l'Isle-Barbe.

AUPRÈS de Lyon, à demie lieue, a une abbaie, laquelle fut fondée au nom de Nostre-Dame, sus le fleuve de Arar, à présent dißt Saune, là où Nostre-Dame faißt plusieurs & merveilleux miracles. Là est la coupe d'émeraude, où Nostre-Seigneur beut au disner chez Simon le lépreux, comme l'on dit. Là, est le corps sainte Anne, mère de

la glorieuse Vierge Marie, & le corps saint Longin, lequel recouvra veue à la passion Nostre-Seigneur, &, là, est le cornet de Roland, d'ivoire, qu'il avoit quant il mourut à Roncevaux avec ses compagnons pers de France.

C'est abbaie fust fondée & dotée par le roy Charlemagne.

*De Nostre-Dame-de-Vauflorie
& de Chafelles.*

NOSTRE-DAME-DE-VAUFLORIE est ung prieuré despendant de la Chasse Dieu, à sept lieues de la cité de Lyon, en une vallée entre montaignes ; &, fut trouvée, comme ont treuve aux Antiquités lyonnaïses, miraculeusement. C'est que, environ Noël, en temps de hyver, les enfans qui gardent le

bestial, en alant abrever les bestes, trouvèrent, dans une fontaine, ung genès fleuri, &, au deffoubz du genès, une image Nostre-Dame, lesquels enfans la démontrèrent à leurs pères & à plusieurs du pays, &, là, édifièrent une petite chapelle, là où soudainement se vouèrent à Nostre-Dame de diverses maladies, lesquels tous guériffoient, & fut l'aport en peu de temps merveilleux ; &, pour ce qu'on avoit trouvé l'himage soubz ung genès flori, &, de peu à peu, là édifièrent, fus ceste fontaine, une belle église, & là on nommée Nostre-Dame-de-Vauflorie, laquelle faiçt journellement plusieurs miracles, & spécialement treuvent grans remèdes ceulx qui sont persécutés de la gravelle & pierre de vessie ; & le père de feu monsieur Florimon Robertet, qui estoit persécuté de pierre, se voua à Nostre-Dame, promettant de aller la visiter en brief temps ; &, ainsi qu'il fut party pour aller à Vauflorie, fist une pierre grosse comme le rouge d'ung œuf,

miraculeusement, laquelle pierre on m'a montrée plusieurs fois avecque d'autres le religieux de Vauflorie qui là se tient pour le prieur de Savigny de Montbrison, qui est prieuré unie avec Vauflorie.

A deux lieues de Vauflorie est Nostre-Dame-de-Chafelles, là où se font beaucoup de miracles & est une petite ville là où Messieurs de la religion de Rhodes ont une riche commanderie, & la cure du lieu est de gros & ample revenu, à cause de la port de Nostre-Dame; auquel lieu a grosses indulgences, plusieurs fois l'année, lesquelles furent impétrées par frère Symphorien Champier, docteur, commandeur de la Toirrette, & curé du dict Chafelles, lequel fonda, en l'église, une moult belle chapelle à l'honneur de saint Jehan-Baptiste.

Des saints suaires, où le corps Nostre-Seigneur fust circundé & mis par Nicodemus au sépulchre.

Nous trouvons en l'Evangile que le corps de Jéfu-Christ fut conduit de plusieurs suaires, & en avons en Gaule trois : le premier est le plus délié & semble estre celluy lequel est à Cadoin, en Périgour, lequel estoit auprès de la chair ; l'autre est plus gros, lequel est à Compienne, à Sainte-Cornellie ; le tiers est celluy qui couvroit tous les autres, & le plus grand & matériel est celluy que l'on monstre à Chambéri, là où appert le vestige de la face de Nostre-Seigneur, pour ce que le linge en est gros comme futaine. Aux autres deux n'apert point la figure, pour ce qu'ilz sont déliés comme tafetas & soie, & la figure ne peult prendre sa forme

en chose si délié & fine ; mais la figure appert en celluy qui est composé de plus grosse matière & comme futaine. Mais celui de Cadoin semble tirer fus le sang rouge, pour ce qu'il estoit plus près du corps. A tous trois a gros aport, & se monstre deux ou trois fois l'année, là où se font plusieurs miracles, & viennent gens sans nombre, quant on les monstre. Celluy de Cadoin premièrement fut à Tholouse, mais fut, longtemps après, dérobé par ung religieux de Cadoin, pour ce que l'on disoit que ceulx de Tholouse l'avoient defrobé au dict Cadoin.

De Saint-Antoine de Viennois.

SAINCT Anthoine fut abbé, lequel demouroit au desers de Egypte & fut son corps apporté en Viennois, par ung seigneur

de Chasteauneuf-de-l'Arben & le donna là où de présent il est, qu'est le chief de la religion qui porte le signe de Thau, qu'est une potence; & là est le corps du dict saint Anthoine, lequel jay veu, quant fut démontré à Monseigneur le duc de Lorraine, & sont les ossemens tous rouges & enflambés, & si on touche de quelque ossement du vin, il devient soudainement aussi aigre que le plus fort vin aigre que l'on treuve. Là, fait Dieu, à l'intercession du dict saint, plusieurs miracles, & ceux qui sont atains d'estiomaine ou feu sacré & de bon cœur prie saint Anthoine qu'il luy plaise prier Dieu pour eulx, guérissent selon la fervente oraison & dévotion qu'ils ont envers Dieu & le saint. Saint Anthoine, luy estant aux désers, composa sept épistres à divers monastères, comme rescript saint Hyéronyme, au livre de *Viris illustribus*, & la principale est celle qu'il escript aux Arseurites, & ont esté depuis tranlatées par ung Sarasin, commentées par mon père, messire

Champier, lesquelles monsieur le feu abbé, frère du seigneur de Saint-Chaumon, fist imprimer, &, depuis, les list-on par toutes les églises de saint Anthoine, & sont icelles épistres d'une grande intelligence & profundité incomparable, & semble que soient faictes divinement & non par homme humain, à cause de la profundité & difficulté d'icelles épistres, & ne sont pas moind difficiles que celles de l'apostre saint Pol, si plus ne sont. Ceulx de Montmajeur d'Arles ont longtemps plaidoié ceulx de Saint-Anthoine, mais la vérité a esté cognue que le corps est à Saint-Anthoine, par plusieurs raisons dont n'est licite dire ne déclarer.

*De Saint-Nicolas de Varengiville
en Lorraine.*

EN Lorraine, à deux lieus de Nanci, ville capitale du païs, est l'église Saint-Nicolas, une des plus belles églises & la plus clère & plaifante à la veue de l'homme qui foit en Gaule. Là est réclamé le bon éveſque de Mirre, ſainct Nicolas, & ſi faiſt pluſieurs miracles divers, &, là, viennent gens de Picardie, Normandie, Flandres, Paris & aultres lieux lointains, de diverſes maladies perſécutés, &, là, ſe font miracles pluſieurs patâns & évidans ; mais, pour n'eſtre prolix, en diſay ung, & le premier digne de mémoire. Au commencement d'icelle église, laquelle eſtoit petite, on venoit de divers lieux au dict ſainct, &, une fois, ung Lorrain fut prins en Turquie des infidelles, & pour

ce que c'estoit ung fort & puissant homme, doutant qu'il ne rompit chaînes & aultres ligamens, luy firent ung colier de fert au col de cinq doigz de large & trois d'espeffeur, lié avec une grosse chaîne, & estoit si merveil-leux que ung ferrurier ne l'eust sceu rompre ne briser à loisir de huit jours. Ung jour, le pouvre prisonnier luy vint en mémoire de fainct Nicolas, lequel estoit fort honnoré en son païs, & des miracles qu'il faisoit pour la délivrance des prisonniers; alors va faire son oraison à Dieu & au benoist fainct Nicolas, promettant que s'il plaisoit à Dieu le délivrer de ce tourment où il estoit & le oster de la main des Sarrafins, qu'il iroit à Saint-Nicolas le mercyer & qu'il délibéreroit désormais estre bon & loyal chrestien & se amander & délaïffer toute mondanités & vie inique, & sur cela s'endormit, qu'estoit sur le soir; & quant il se réveilla le matin, à l'heure de matines, que le portier de Saint-Nicolas voulut ouvrir la porte de l'église, il trouva

endormi le pouvre prisonnier à la porte de l'église & le réveilla, lequel pensoit encores estre en Turquie, & quant il fut esveillé & se trouva à la porte Sainct-Nicolas, congneut que, par l'intercession du benoist sainct, il estoit eschapé de la main des infidèles, &, alors, ceulx de Sainct-Nicolas, voiant le miracle si grant & manifeste, firent chanter tous les prestres & donner louange à Dieu & sainct Nicolas, & furent envoyés querre plusieurs féculiers pour rompre le dict col de fer qu'il avoit au col, & ne le sceurent oncques rompre, mais divinement, devant toute compaignie, se esclatat & rompit, en sorte qu'il n'y a homme au monde qui l'eust esclaté & rompu de celle sorte.

En icelle église, tu verras tant de ferrement & chaînes que journellement l'on y porte, que vingt charrettes ne sçauroient porter. Du corps sainct Nicolas n'y a qu'ung ongle d'ung des doigz; mais là où est le corps, à Bar, au royaume de Naples, ne se font

pas tant de miracles que en Lorraine, car Dieu faißt les miracles là où il luy plaist & selon la dévotion du peuple.

Le lieu Saint-Nicolas est un gros vilaige & fort marchant, là où a plus de maisons que à Nanci qu'est le chief de Lorraine, & dient ceulx du pays que aultrefois l'ont voulu clore de murailles & faire une ville close ; mais ce qu'ilz faisoient de jour, lendemain estoit par terre, par quoy furent contrains de laisser l'œuvre. Ce que j'en escriptz je le scay par ce qu'en ay ouy récité à mon père, lequel est premier médecin de Monseigneur le duc de Lorraine & a veu le tout, & est *testis oculatus*.

De Saint-Claude.

SAINCT Claude fust ung bon abbé, lequel est enterré en la conté de Bourgogne, là où il faict plusieurs miracles, comme apert tous les jours par expérience, & en ce lieu avoit grande dévotion. Le roy Louis XI donnat à celle église douze apostres d'argent, & est le corps de saint Claude tout entier fus l'autel. De plusieurs provinces viennent pèlerins audict lieu, pour les remèdes de plusieurs maladies que le peuple treuve là pour l'intercession du dict saint Claude. Depuis dix ans le feu brusla toute l'église ; mais, depuis, elle a esté édifiée aussi belle que estoit paravant. Là est une belle abbaye, de grand value, nonobstant que le lieu soit assez stérile & en païs sauvaige. Ce glorieux saint est réclamé par plusieurs bons chrestiens,

dont s'en treuvent très-bien, & la plupart de gens de Lyon, une fois l'année, vont visiter le dict Saint-Claude, & quant ne vont là, vont à Nostre-Dame-de-Vauflorie & de Chafelles, comme font ceulx d'Orléans à Nostre-Dame-de-Cléry.

De Saint-Clou & Saint-Cosme.

A deux lieues de Paris est la corps saint Clou, lequel fait plusieurs miracles & viennent gens de divers païs, & treuvent divers remèdes en plusieurs malades. Et, à sept lieues de Paris, est Saint-Cosme & Damien, & là vont, une fois l'année, la plupart des chirurgiens de Paris, car, quant les chirurgiens ont quelque malade en dangier de mort, ou de non pouvoir guérir, ilz le recommande à monsieur saint Cosme &

Damien & treuvent gros fecours en leurs patiens. Auffi est le corps sainct Main, sur les marches de Bretagne, lequel faict plusieurs miracles, & guérit *de serpigo & impetigo*.

De Saint-Maturin de Larchant.

SAINCT Maturin fust, de son enfance, sainct & dédié à Dieu, & mourut fort jeune, & son église moult belle est, & là viennent, de divers pays & régions, principalement ceulx qui sont mélancoliques & maniaques, frénétiques ; & là, treuvent remèdes & opitulations & refrigeres, par l'invocation ou intercession du dict sainct ; & est le chemin de Paris pour aller à monsieur sainct Nicolas, en Lorraine, dont aucuns font les deux voyages pour trouver remède à leurs maladies. Aultresfois l'église a esté brûlée entiè-

rement, fort que le corps du dict sainct, qu'estoit chose miraculeuse.

De Sainte-Catherine de Chassaigne.

A fix lieux de Lyon, au païs de Dombes, est une abbaye de l'Ordre de Citeaux, là où a une petite église, séparée de la dicte abbaye, à l'honneur de sainte Catherine, là où viennent gouteux, boiteux & gens qui sont malades de maladie des nerfs, comme artétiques, ciatiques, gouttes, podagres, cyragres & aultres semblables maladies & infirmités, & font leurs neufveines neuf jours, priant la dicte sainte Catherine prier Dieu & estre leur advocate envers Dieu & donner grâce de guérir de leurs infirmités, &, la pluspart d'iceulx, après neuf jours, guérissent, & là délaissent, en signe de guérison, leurs

bastons & potences en la dicte église, & là, verras plus de deux mille potences.

Le corps de la dicte sainte fut porté par les anges, de la cité d'Alexandrie, en Egypte, où elle print martyre, au mont Sinaï, là où Dieu donna la loy à Moïse, & là est une abbaye de l'Ordre de saint Basile & continuellement, du tombeau, sort huile & fable miraculeusement.

De Sainte-Genevieve.

EN la ville de Paris a plusieurs corps saints, comme saint Denys, qui fut envoyé par saint Pol, apôtre, & par saint Clément, pour réduire le peuple d'icelle cité à foy de Jésus-Christ, *cum Eleutherio & Rustico*, & depuis, ont esté saint Germain, évêque, & saint Eugène ; mais, par espéciale grâce,

saincte Geneviefve, vierge, laquelle fist, durant sa vie, plusieurs & évidans miracles & encores fait, de présent, journellement ; &, quant ceulx de Paris ont quelque grosse nécessité, soit stérilité de biens urgente, ou guerre, ou pestilence, ilz se retirent à la dicte saincte, & la prient vouloir estre leur advocate envers Dieu, & portent son corps, par grande dévotion, en procession générale, par la ville, dont ils ont toujours trouvé gros remèdes & patans & manifestes ; & est son corps en l'église que le roy Clovis, premier roy chrestien, fist édifier à l'honneur de saint Pierre & saint Pol, apostres, là où le dict roy est enterré, & la fist faire à cause que l'empereur Anastase lui envoya le sceptre impérial, avecque la clamide impériale de Constantinoble, & le institua empereur en Gaule, luy & les siens, &, en signe de cette donation & tiltre, fist édifier l'église de Saint-Pierre & Saint-Pol, à la similitude de Saint-Pierre de Romme ; & ce, pour ce que

le dict Clovis desconfit & tua en bataille le roy des Goths Alaricus, qui tenoit son règne à Thoulouse, que fust la cause que l'empereur Anastase le fist proclamer empereur à Paris, & crier vive César, &, depuis, les roys de France non estés subjects à l'empire, mais se treuvent empereurs en France, &, depuis, ont tenu l'empire paisiblement, sans contradiction, par sept générations, depuis Charles-le-Grant, auquel fust donné l'empire, à luy & aux siens, *a plebe & senatu*, jusques à Loys, fils d'Arnulphe, lequel fut, par force, expulsé par Beraingarius I^{er}, qui, par tyrannie, occupa l'empire romain.

Saincte Geneviefve, doncques, est en l'église de Saint-Pierre & Saint-Pol, à Paris, mais, pour les grans miracles qu'elle faict, le peuple nomme l'église du nom Saincte-Geneviefve & non Saint-Pierre.

*Des trois Chapelles saintes, lesquelles sont
en France.*

EN France, a trois chapelles lesquelles on dict saintes, à cause des reliques & choses saintes qui sont dedans. La première est la Sainte-Chapelle de Paris, où sont chanoines plusieurs bien rantés & riches, & est l'église de tous biens opulans aornée & aussi dévotement servie. Là est une partie de la sainte croix Nostre-Seigneur, la sainte couronne d'épine, dont fut couronné, & ung des clous dont fut estaché à la croix.

La seconde Sainte-Chapelle est celle de Bourges, magnifiquement aornée, richement fondée, & le divin service moult bien célébré, & ont reliques en gros nombre.

La tierce Sainte-Chapelle, en France, est celle de Dijon, singulièrement bien bastie,

& font là plusieurs chanoines & ung doyen fur eux. Là est la sainte Ostie, laquelle jay veu, où apert le coup du glaive que ung juif lui fist, dont le sang sortit partout, comme apert encore manifestement.

En France, a plusieurs aultres églises, là où Nostre-Dame & saints font miracles, comme Nostre-Dame-de-Liance, à trois lieux de la cité de Lan, en Picardie, là où a gros aport & viennent de plusieurs lieux pour les miracles que Dieu fait par intercession & prières de la dicte Vierge Marie. J'ay obmis saint Marcou, là où les roys de France, après leur couronnement, vont visiter le dict saint Marcou, là où prennent, comme l'on dict, la vertu de guérir les escruelles, qu'est une chose digne de commandation à tous bons chrestiens. Je délaisse saint Martial, duquel jay fait mention en la fondation de Limoges. Aussi délaisse la glorieuse Marie, feur du Lazare, de laquelle est la sépulture à la Baulme, en Provence, & le chief à saint

Maximin, disciple de Nostre-Seigneur. Pour éviter & fuir prolixité me déporte de plusieurs corps sainctz qui sont en France, &, premièrement, de sainct Saturnin de Thoulouze ; sainct Front, à Périgours, qui fut disciple de Jéſu-Chriſt, & la robbe Nostre-Seigneur à Argenteul, près Paris ; le sainct Calice, où il fit la Cène, lequel eſt à Brive-la-Gaillarde, au Bas-Limofin ; auffi la ſaincte larme que Nostre-Seigneur getta fus le Lazare quant il ploura, laquelle eſt en l'églife de Vandosme, & faiſt pluſieurs & évidans miracles. Je délaiffe auffi la bonne hoſteſſe de Jéſu-Chriſt, nommée ſaincte Marthe, de laquelle le corps eſt à Tharaſcon ; & les trois Maries, dont les corps ſont en Provence. Mais, pour ce que la matière ſeroit trop grande & proluxe des aultres ſaincts, m'en déporte, délaiffant aux autres, que après nous viendront, matière de adjouſter & augmenter, comme j'ay faiſt au catalogue des merveilles & antiquités de France.

Des saintes armes, que nous disons en latin :
Insignia de France.

LES armes & insignes antiques de France estoient trois crappaulx, que l'on dict *buffones* en latin, & les portoient les roys, avant qu'ils fussent chrestiens ; mais Dieu, voyant la fidélité & bonté du roy Clovis, premier roy chrestien, &, à son couronnement à Reims, en la présence de saint Rémy, furent, du ciel envoyées, trois fleurs de lis d'or, semées en chan d'aseur, &, depuis, les roys de France les ont pour leurs armes.

Du Guidon, ou bannière, nommé Orifflam.

AUDICT roy Clovis fust envoyé du ciel ung estandar, ou guidon, de foye rouge, ou sandal, carré, lequel fut envoyé pour porter quant les François aloient en guerre contre les infidèles, & estoit, à Saint-Denis, en France, gardé comme reliques, & à le veoir, sembloit estre chose divine enflambé sur le rouge.

*De la sainte ampoule & unction
des Roys de France.*

QUANT saint Rémy voulut, au couronnement du roy Clovis, sacrer le roy & demanda du cresseme, alors une columbe,

venant du ciel, apporta une ampole petite, pleine du saint œuille, pour l'oindre & sacrer, comme fit Samuel au roy David, & aussi fist, paravant, au roy Saul, premier roy des juifz. Ceste sainte ampole est en l'abbaye Saint-Rémy, à Reims, &, quant les roys de France se veulent couronner à Reims, l'on sacre le roy & le oint-on du saint œuille, & vont quérir la sainte ampole à l'abbaye Saint-Rémy, en grosse solennité, & la portent à la grant église pour oindre le Roy.





S'ENSUIT
LA
TABLE DU SECOND LIVRE
DES SINGULARITÉS
DES GAULES
ET PREMIÈREMENT:

	Pages.
PRÉFACE	3
DÉDICACE	5
De la cité de Vienne	9
De Ambrun & Gapt	11
De la cité de Die	11
De Orange	13
De la cité d'Avignon	13
De la cité d'Arles.	14
De Montpellier	15
De Nîmes	16
De Aix en Provence	17
De la cité du Puys en Velay	17
De Chalon en Bourgogne & Mafcon . . .	19

	Pages.
De Troye en Champaigne	19
De Chalons en Champaigne	20
De la cité de Bezançon	20
De Tarentaife en Savoye, Beley & Saint- Jean-de-Morienne	21
De Clermont en Auvergne & Saint-Flor .	22
De la cité de Lymoges	23
De la cité de Rhodes	25
De la cité de Bourdeaux	25
De Cahors	26
De la cité de Bourges	27
De Périgour & Sarlat	28
De la cité de Chartres	29
De la cité du Mans	30
De Noion & Viaron	31
De la cité de Arras	31
De la cité de Calais	32
De la cité de Rhenes	32
De la cité de Lifieux	33
De la cité de Bayeux	33
De Verdun en Lorraine	34
De la cité de Basle	35

S'ENSUIT
LA
TABLE DES FLEUVES
ET
FONTAINES ADMIRABLES
DES DICTES GAULES
ET PREMIÈREMENT :

	Pages.
Le fleuve du Rhofne	38
De la Saune	42
De la rivière de Loire & du fleuve d'Alier .	43
Du fleuve Dordonne & la Sere	44
De la Garonne	45
De la rivière de Marne	46
De la rivière de Meufe	46
De Mofelle	47
De la rivière de Seyne	47
De l'Ifère & de Drat	48
De Scalda, dict l'Efcau	49
De Sombre, ou Subis	49
De Affone	50

	Pages.
De plusieurs fleuves, desquels n'est pas fait mention es-histoires	50
Des lacs des Gaules	51
De fontaines admirables & dignes de recom- mandation, estant esdictes Gaules	53
De la fontaine ardant	53
De la fontaine qui produit pierres précieuses.	54
De la fontaine, laquelle signifie stérilité de biens	55
De la fontaine que l'on dict Fontfor-en-Forêt	56
De la fontaine vineuse	57
De la fontaine oléagineuse	58
De la fontaine qui engendre la pierre . . .	59
De la fontaine limoneuse	59
De la fontaine de Loiret, près Orléans . .	60
De la fontaine des truites	60
Des fontaines chaudes de Gaule	61
De la fontaine des bains en Auvergne . . .	62
De la fontaine & bains de Borbon en Bor- bonnois	63
Des bains & fontaines de Chauldaigues . .	64
Des bains d'Aix, près Chambéry	64

Pages.

Des saints lieux de Gaule, où Nostre-Seigneur a fait plusieurs miracles par l'intercession de la Vierge Marie & de ses saints.	67
De Nostre-Dame-de-Cléry	70
De Nostre-Dame-de-Chartre	73
De Nostre-Dame-du-Puy	74
De Nostre-Dame-des-Plantz	75
De Nostre-Dame-de-Roquemador	75
De Nostre-Dame-d'Autefaille	77
De Nostre-Dame-de-l'Isle-Barbe	77
De Nostre-Dame-de-Vauflorie & de Chassefelles	78

Des saints lieux où le corps Nostre-Seigneur fust circundé	81
De Saint-Anthoine de Viennois	82
De Saint-Nicolas de Varengeville	85
De Saint-Claude	89
De Saint-Clou & Saint-Cosme	90
De Saint-Maturin de Larchant	91
De Sainte-Catherine de Chassaine	92
De Sainte-Genevieve	93

	Pages.
De trois saintes Chapelles de France . .	96
Des saintes armes de France	99
Du Guidon ou bannière nommée Oriflam .	100
De la sainte ampoule & unction des roys de France	100

FINIS.



COLLECTION LYONNAISE

EN VENTE

A la librairie Henri Georg, rue de la République, 65

- N° 1. — SUPPLICE DE CINQ MARS ET DE TROU, décapités à Lyon, sur la place des Terreaux, le 12 septembre 1642. *Rédaction d'un témoin oculaire.* — 5 feuilles in-8° tellière.
- N° 2. — DESTRUCTION DE L'ÉGLISE DE SAINT-JUST, du Cloître & de partie du Faubourg par les Protestants, en 1562. Enquête & procès-verbaux. — 6 feuilles in-8° tellière.
- N° 3. — L'ANTIQUITÉ, L'ÉTABLISSEMENT, LE LUSTRE, LE BIEN SPIRITUEL ET LE TEMPOREL DE LA ROYALE ABBAYE DE SAINT-PIERRE DE LYON, avec les merveilles de la Providence, les changements & les divers accidents que l'on y a vus, par J. de Saint-Aubin. — 4 feuilles & demie in-8° tellière.
- N° 4. — CHRONIQUE DE LA MAISON DE BEAUJEU, publiée d'après le manuscrit unique de la Bibliothèque nationale & suivie du tableau généalogique de la famille de Beaujeu. — 5 feuilles in-8° tellière.
- N° 5. — LES ANTIQUITÉS ET LA FONDATION DE LA MÉTROPOLE DES GAULES, ou de l'Eglise de Lyon & de ses Chapelles, avec les Epitaphes que le temps y a religieusement conservées, par le Sr de Quincarnon. — 9 feuilles in-8° tellière.
- N° 6. — NOMBRE DES ÉGLISES QUI SONT DANS L'ENCLOS ET DÉPENDANCES DE LA VILLE DE LYON, avec une exacte recherche du temps & par qui elles y ont été fondées, par Isaac Le Febvre, lyonnais, 1627. — 6 feuilles & demie in-8° tellière.
- N° 7. — BREVE HISTOIRE DE L'ABBAYE DE L'ÎLE-BARBE, par M^{re} Bezian Arroy, docteur de Sorbonne & Théologal de Lyon. — 13 feuilles in-8° tellière.
- N° 8. — CATALOGUE DES ANTIQUES ÉRECTIONS DES VILLES, CITÉS, FLEUVES & FONTAINES ASSISES ÈS TROIS GAULES, par Gilles Corrozet, parisien, & Claude Champier, lyonnais. — 1^{re} partie 10 feuilles in-8° tellière.

Sous presse :

- N° 10. — LA FONDATION ET LES ANTIQUITÉS DE LA BASILIQUE DE SAINT-PAUL DE LYON, par le sieur de Quincarnon, écuyer, ancien lieutenant de cavalerie & commissaire d'artillerie. — 11 feuilles in-8° tellière.

